

ساعة غزل

واتنين عتاب

محمد رشدي - ساعة غزل واثنين عتاب ، ديوان

ISBN : 978-977-798-104-0

رقم الإيداع : ٢٠١٧/٢٩١٥٨

إن دار الحلم للنشر والتوزيع غير مسئولة عن آراء المؤلف وأفكاره ، وتعبر الآراء الواردة في هذا الكتاب عن آراء المؤلف ، ولا تعبر بالضرورة عن آراء الدار .
جميع حقوق الطبع والنشر محفوظة للدار
ولا يجوز طبع أو إعادة استخدام أي جزء من العمل في أي صورة كانت
إلا بموجب موافقة خطية من الناشر .



© دار الحلم للنشر والتوزيع

عضو اتحاد الناشرين المصريين

القاهرة - جمهورية مصر العربية

Mob : 00201141824562

dar_el7elm@hotmail.com

info.darel7elm@Gmail.com

ساعة غزل واثنين عتاب

ديوان

محمد رشدي



«إهداء إلى نفسي التي أهملتها»
«من أجل أشياء حاولت تحقيقها»

«إهداء إلى من أحببتها سرًا»
«ولم أعلن عنها حتى الآن»

بَطْلِي تَحْلُوِي

بطلِي تحلوي في عيوني
ويزيد جمالك كل يوم
بطلِي تبقي معايا حنونة
وأجمل بنوته في الكون
بطلِي تبقي أجمل واحدة
وتنسيني سنين الوحدة
ومشوفش أجمل منك
مهما أشوف مليون واحدة
بطلِي تبقي مثالية
يا أجمل بنت في الدنيا
يا حلوة في كل الأوقات
يا كوكب من الحنية
بطلِي تحلوي في عيني زيادة
بطلِي تحلوي في عيني كمان
بطلِي تبقي مصدر قوة

بطلي تبقي بالنسبالي آمان
بطلي تخطفيني كالعادة
أول يـ حبيبتى مـ أشوفك
وأضحك أول مـ تضحكي
ويرقص قلبي لحظة كسوفك
بطلي يـ حبيبتى تحلوي
وجمالك كل يوم يزيد
بطلي تبقي دايمًا حلوة
وأول مـ أشوفك أبقى سعيد
بطلي تتكلمي برقه
وصوت يشبه البيانو
يـ سكر بيحلي الكون
وبيزيد أصلا من جماله
بطلي تضحكي قدام مني
وتسحريني بإبتسامتك
عايزه إيه مني تاني؟!
غير إني أعشقتك وأحبك

بطلي يـ حبيبي تحلوي
أنا عارف أصلاً إنك حلوة
دأنا كل حاجة إتمنيتها
لاقيتها معاي وكأني في جنة
بطلي تبقي شبه الطفلة
وتبقي حبيبي زي الملاك
بطلي تبقي مُختلفة..
وأحلى من كل التشبيهات

إضحكي

حبيبتي لما بتضحكي
 كل حاجة بسببك بتضحك
 ومع إنك حلوة أصلا
 لو ضحكتي بتضحك ملامحك
 وبيزيد جمالك عن حده
 لو زادت عنيكي ف ضحكته
 دانتني أجمل حاجة حصلتي
 وأكثر حاجة أنا حبيبتها
 إضحكي طول الوقت
 إضحكي حبيبتني بزيادة
 وطول منا جنب منك
 خليكي طيارة من السعادة

دي كل ضحكة بتضحكيها
بيفرح بسببها قلبي
والسعادة اللي بعيشها
بتبقى عشان انتي جنبي
إضحكي يـ حبييتي بغباء
طول مـ احنا الاتنين عُشاق
ومتخافيش من أي حاجة
إضحكي من غير أسباب
إضحكي في وقت زعلك
وإضحكي وقت الفرح
إضحكي في أي حالة
حتى لو قلبك إنجرح
إضحكي يـ حبييتي بجنون
في أي وقت وكل يوم

دانتي لما مبتضحكيش
بييزعل القمر وكل النجوم
إضحكي ع الفاضي وع المليون
خلي سنانك الحلوة تبان
دأنا بظمن لما بشوف الضحكة
وبنسى أصلا إننا زعلان
إضحكي خلي عيونك تضحك
ونسب الخوف والحزن تقل
دي الدنيا لو قفلت بابها
بتبقى ضحكك الحل

بُكْرَة نَبْقَى

بكرة نبقى حاجة واحدة
ومنفترقش من تاني
يبقى حضني ليكي بيت
ويبقى حُضنك عنواني
وأشوف الكون بعنيكي انتي
وتبقي أقرب شيء لقلبي
وأحضنك في اليوم مية مرة
وكأني أبوكي وانتي بنتي
وإما أشوفك أنسى زعلي
وبسهولة قلبي يضحك
وأبقى حافظ تفاصيلك صم
وف خيالي تسكن ملامحك
وأبقى عارف إيه بضايقك
وأبقى عارف بتروقي إمتي

وأسهر أتأمل جمالك
يـ حبيبتى للساعة ستة
بكرة رقمك هبقى حافظه
زيه زي تاريخ ميلادي
وتبقي مُميّزة عندي جدا
وأحبك حُب فوق العادي
بكرة تبقي شيء أساسي
ورقمك الأهم على موبايلي
وصورك تبقى في البوماتي
وتزهقي وتملي من رسائلي
بكرة نبقي أنا وانتى واحد
ومنبقاش من تاني إتنين
أو نبقي روح واحدة
بس موجودة في جسدين
بكرة نفرح في وقت واحد
ونزعل ونتوجع سوا
وأغير عليكى يـ حلوة جدا
وأخاف عليكى من الهوا

بكرة تبقي حياه كامله
وأنا حابب أعيشها
بحلوها و بمرها
ومهما كانت ظروفها
بكرة أشوف الكون بعينيكي
عشان أقدر أشوفه أجمل
يـ اللي بسببك قادر أعيش
وعشانك قادر أكمل
بكرة يجي يـ حبيبتى بكرة
إلى حالف لسه ميغيش
بكرة نبقى إثنين عشاق
وزينا أصلا مفيش
بكرة تبقي شيء مُميز
وفي حياتي تبقي سر
تبقي شيء مُختلف
عن الجميع وعن الكل
بكرة تبقي مصدر سعادتى
وتبقي بالنسبالي قوة
وحتى لو بكرة مجاش
كفاية عليا شرف المحاولة

بيلىق عليها الأسود

كان بيليق عليها الأسود
وفي الأحمر بتتحول ملكة
والأزرق عليها جنان
وبتحليه أكثر بـ الضحكة
كانت أصلا زي الوردة
ويوم عن يوم حلاوتها تزيد
كانت لما عليا تصبح
قلبي يفتح..
ويبدأ يومي عُمر جديد
كُنت بعشقها بطريقة غريبة
وبحب عنيتها بالتحديد
كانت حلوة في عز زعلها
وإما بتفرح..
الكون كله بيبقى سعيد

كانت حلوة في وقت جنانها
وإما عليا بجد تغير
كُنت بحس بـ إحساس تاني
وأتحول فجأة لأمير
ومين حبييتي تغير عليه
ويبطل في يوم يعشقها
ويقدر يكشر وقت م تفرح
ويقدر يضحك وقت زعلها
مين حبييتي تبقى في حياته
ويقدر يعشق واحدة مكانها
مين حبييتي تبقى معاه
وميمغرقش أصلا في حنانها
دي كانت في وصفها ملهاش وصف
حلوة حقيقي بمعنى الكلمة
كانت أجمل حاجة في حياتي
وبالنسبالي حياه كاملة
كُنت بحب حياتي عشانها
كُنت بحب وجودها بشكل
كانت عندي حاجة مُهممة

ومن جمالها تتاكل أكل
كانت بتفهمني بكل سهولة
وكنت بعشق كل تفاصيلها
كانت تسألني عن الواني
عشان تختارها لألوان فساتينها
كان بيليق عليها الصمت
وحلوة حتى وقت الخوف
كانت تحب أجيبها ورد
وتفرح وبيان عليها الكسوف
كانت تشبه الشاي بلبن
لاهي بيضه ولا سمرا
كانت حلوة في كل صورها
وعشانها بتضحك الكاميرا
كانت كل حاجة عليها بتليق
وأجمل حاجة شافتها عيني
كانت في حياتي شبه السكر
ووجودها شيء بيحليني

بيروق الجو

بيروق الجو ويحلالي
أول م بتقولي إزيك
ويغيب مني كل الوجد
لما بشوف ضحكة منك
وكأني مريض بداء الوحدة
وأول م بشوفك بتحسن
وبرغم كل لخبطي
دايما بحس إني أحسن
ولو غيبتي يومين عني
بتحول لطفل وأوام أزعل
وأول م أشوفك أضحك تاني
وأشوف الحياه بقت أجمل
وتصالحيني بيدوب نظرة
ف تتوه روحي مع روحك
ونقسم كل شيء بينا
ونبقى إثنين لكن واحد

وتأخذيني لدنيا جديدة
وكأنك طبيب نفسي
عارف كل تفاصيلي
وبيقدر يشخص حالتي
أنا مريض بيكي ومنك
وانتي اللي بتقدري تعالجي
كل الجروح فيا
وتنظمي نبضات قلبي
فتبقي حياه بـ أكملها
وتبقي في حياتي أجمل سر
وتبقي السكر اللي بيحلي
كل شيء في حياتي مُر
وأروح معاكي شمال ويمين
وكأني شيء بيتشكل
علي ذوقك حبيبتني الخاص
فتحوليني للأجمل
وأسكن جوه عنيني وأبقى
كل نظرة حنينة
وتبقي كل لحظة أمان
وأم وأبقى إبنك أنا

من حق الجميل يتغر

بوجودك بيحلو الوجود
وقدام عنيكى بيحلى الكلام
حببتك من أول نظرة
ومن قبل ما اشوفك كمان
دي الحياه معاكي أجمل
من أي وقت عشته قابلك
هو انتي ازاي حلوة كدة
وازاي خلتيني أحبك
وازاي عنيكى خطفت قلبي
وبسرعة يد حببتي قدرت
تخليني أعشق وجودك
ومشوفش حد في الدنيا زيك
بوجودك بيحلو الوجود
ومعاكي بتحلو الحياه

وكأنك سكر بيحلي
كل شيء موجود معاه
يـ أجمل حاجة عيني شافتها
ومُستحيل غيرها أبدا تشوف
وشيء بينسي قلبي الوجع
ويينسيه أي خوف
يـ بسكوته دايرة في شيكولاه
وطعمها حلو ولذيذ
يـ حلوة بطريقة حلوة
يـ حاجة شبه الكريز
يـ حاجة قلبي بيعشقها
من جمالها عشان مُضطر
إنغري براحتك حبيبتي
ده من حق الجميل يتغر

بطلت أشرب قهوة

بطلت خلاص أشرب قهوة
علشان معاليكي..
وازاي أساسا هشر بها
وهيّا مش عمائل إيديكي
بطلت أشوف الحاجة حلوة
وأحب أشوف الحاجات فيكي
وازاي حلاوتها تبان أصلا
من غير ما أشوفها بعنيكي
دي عيونك بتحلي الحاجة
وبتزيدها يه حبييتي جمال
ووصفك بيحليها زيادة
فد يعشقها قلبي أوام
دي عيونك حلوة لأبعد حد
وهيّا اللي بتحلي الأيام

والنظرة من عينيكي بتجنن
وبتحول الحرب لسلام
القهوة من إيدك شيء تاني
وعيونك مصدر توهاني
والحيرة تزيد لو روحتي بعيد
والاقيكي في يوم مش قدامي
والفكر يطول ويودي ويجيب
والاقي عيونك وحشاني
وأنا قلبي ضعيف
مش حمل غياب
ومنعني الدكتور أشرب قهوة
لكني حبييتي مبطلتهاش
غير لما عنيكي غابت فجأة
ومع إني المفروض أبقى كويس
دلوقتي أنا حالتي بقت أسوء
والليل في بعاذك مبيعديش
وإتحول لونه لغامق إسود
كان نبض القلب بيزيد حبة
من شرب القهوة وبتوتر
لكن ببقى سعيد بوجودك
والقلب مرتاح مطمئن

وكنت أقلق ساعة
في نهاية الليل
مش طول الوقت أقلق وأسهر
من قال إن القهوة مُضرة
ده بعادك أضراره أكثر
القهوة أهي باخت
وعنيكي أهي غابت
والذكرى أهي ثابت
في القلب أوجاع
وكأن في غيابك غابت
كل الحاجات بالإجماع
ومبقاش فيه حبيبة تعمل قهوة
ولا واحدة بشوف عنيتها حلوة
واما تغيب الضحكة تغيب
وأبقى لا حول ولا قوة
واحد لا تعرف تقسى
ولا تعرف تجرح حد
وقبل ما بتنطق كلمة
بيبان في عيونها الرد
واحدة ريحتها في كل هدومي
أجمل وأحلى من البرفان

ولبسها بيتشكل على ذوقي
وشعرها على كل القمصان
ومعايا في معظم أوقاتي
والعالم جنة بسببها
ولو ضحكت قلبي يضحك
ولو زعلت أزعل لزعلها
تغيب الشمس لو غابت
وبسببها كل الحاجات حلوة
والقهوة الي أنا بشر بها سادة
تبقى من إيديها زيادة ومش مره
وتزود فيها نسب السكر
وتقلل مفعول الكافيين
أشرب قهوة ازاي دلوقت
أو بعدك أعشق مين

كل يوم الصُّبح بصحى

كل يوم الصُّبح بصحى
أقول هتيحي ومبتجيش
كل يوم بيعدي يومي
وانتي غايبة مبتسألش
كل يوم أشتاق زيادة
وانتي برضوه عني غايبة
مبتسألش غير فين وفين
وأنا متعلق بحبال دايبة
والغريبة إن سؤالك
بيزود نسبة الاشتياق
يد أكثر حاجة بعشقتها
وبتوجع قلبي بالغياب
كل يوم أبعث رسايل
وأستنى منك أي رد

وبرغم إزدحام حياتي
 مبشوفش غيرك أي حد
 كل يوم أحبك زيادة
 وكأنك في حياتي سُكر
 فتزيد نسبة إشتياقي
 فيزيد وجعي أكثر وأكثر
 كل يوم تحلوي حبة
 كل يوم تحلوي أكثر
 وكل مرة عيني تشوفك
 وأشوفك تاني الأقيكي أجمل
 كل يوم تبقي حكاية
 وأجمل قصة حُب وغرام
 أول مرة أصلا أشوف
 القمر بيطلع بالنهار
 كل يوم أحتار في وصفك
 وكأن ليكي الف وصف
 يد حاجة بشوفها بنسى بنفسي
 وبتقدر تخطف أي عقل
 كل يوم للصبح أسهر
 وأفكر في مليون احتمال

وحبة الاقيكي مُمكنة
وحبة الاقيكي شيء مُحال
وحبة زي البسكويته
ومفيش منك أصلاً أحن
وحبة أحلى من الرومان
وحبة عسل وحبة سم
كل يوم إدمانك يزيد
ومن جمال عنيكى أسكر
وأخاف أبعد وأخاف أقرب
منك وكأنك شيء مُحرم
كل يوم تبقي بحالة
مرة صاينة ومرة خاينة
من عمايلك حيرتي قلبي
لانتي غايبة ولا انتي دايمة
جناني زاد في البُعد عنك
خلصتي أصلاً كل صبري
وبسببك يوم أبقي عاصي
ويومين ثلاثة أرجع أصلي
ويوم أحاول أنساكي
وأرجع من تاني أعمل عمايلي

وأملى أوضتي بالونات
كالعادة من دخان سجايري
كل يوم بعنيكي أهتم
وانتي عنيني ظالميني
دانتي كل الدعى
وانتي كل التمني
كل يوم أشتاق لحضنك
مع إني لسه معرفوش
كأني طفل وانتي مامته
بتعاقبه لكن مبتكرهوش
كل يوم حُبي يزيد..
وكل يوم أقول خلاص
وأستنى منك أي كلمة
لحد مـ يأخذني النعاس

بحبك خالص

بحبك خالص
وانتي الشيء إلي بيكملني
وانتي الشيء إلي كان ناقص
دانتي حكاية
وحُبك أصبح..
الحاجة الحلوة في دُنيايا
وانتي الضحكة..
المرسومة على وشي
والشيء العايش جوايا
وانتي النبض الزايد في القلب
والسر إلي مبتقلش لحد
والشيء الصعب والممكن
وموجة حر وموجة برد

وانتي البنت إليلي بتخطفني
وبطمني وبتخوفني
وبتبعدني عن الواقع
وبعيونها الحلوة بتوصفني
وانتي الشيء المترتب
والشيء إليلي ملوش ترتيب
وأكثر حاجة إتمنيتها
عشان تحصلني في علم الغيب
انتي الحنية المليانة قسوة
والقسوة المليانة حنان
وكل لحظات الجنون
وكل لحظات الآمان
وانتي الشيء إليلي ملوش زي
وانتي النور وانتي الضي
والشيء إليلي وصفه غريب
وأكثر شيء فيا حي

انتي الحاجة إلي بتفرح
وإلي بتداوي وإلي بتجرح
انتي الجنة بكل م فيها
وانتي الشمس لما تروح
انتي الحاجة إلي أنا بعشقها
وأكثر حاجة عليها بغير
انتي الحلم إلي بيتحقق
والشيء إلي ملوش تفسير
انتي الكل بالنسبالي
والشيء إلي هيفضل غالي
وانتي معايا أنا بنسى الناس
وببقى شخص لا يُبالي
انتي الشيء إلي بيحلي
الكون والعالم في عيوني
انتي أحلى من السكر نفسه
وأطعم بكتير م البون بوني

هو أنا أطول إني أحبك

هو أنا أطول يد حبييتي أساسا
 أبقى معاكي ولو ليلة واحدة
 دانتي اللي بتنسيني العالم
 ومعاكي بهرب من الوحدة
 هو أنا أطول إني أحبك
 وأقدر أوصل بسهولة قلبك
 دأنا أكثر حاجة إتمنيتها
 إني أكون على طول جنبك
 هو أنا أطول إنك تبقي
 حبييتي ده لو ترضي
 وإني أشتاقلك لما تغيبني
 وتبقي شيء بيكملني
 وإن عنيني الحلوين
 تبقى هيا سبب حيرتي
 وإن غيرتي تبقى عليكي

يـ أكثر حاجة بتسعدني
وإني أضايق وأعاتبك
وأزعل وانتي تصالحيني
يـ حلوة حتى في مُصالحتك
وأجمل مـ شافت عيني
هو أنا أطول إني أطولك
دانتني النجمة العالية الفوق
وكل شيء فيكي مُميز
وأنا أصلا كُلِّي عيوب
هو أنا أطول إن عنيني
تعشقني بكل تفاصيلي
ومهما تقابل وتشوف
متشوفش أصلا غيري
وأبقي حبييك مـ الليلة
وإنك أصلا ليا تميلي
وأبقى عندك كل الحاجات
وعليا يـ حبيبتي تغيري
وتشتاقيلي لما أغيب
وأجي أبوسك تقويليلي عيب
وأبقى الأول في حياتك
مُش آخر الترتيب
وأما أغيب الضحكة تغيب
عنك وملامحك تزعل

وأجي أصلحك تتقلي جدا
 فـ عيوني تشوفك أجمل
 هو أنا أطول أبقى سبب زعلك
 وعينيكي معايا تتعاتب
 وأبقى معاكي في الجنة
 من قبل أساسا مـ أتحاسب
 وأدخل بسببك جنتين
 في الحياه وبعد الممات
 ومعاكي أنسى أحزاني
 وأنسى كل شيء فات
 هو أنا أطول إن حُضنك
 يبقى ليا يـ حبييتي بيت
 وأقدر أروحه في أي وقت
 من غير إستئذان ولا مواعيد
 وأبقى مُهم بالنسبالك
 وكأني إبنك أو إنتي بنتي
 وأعيش معاكي حياه كاملة
 وأناديكي دائما بـ حبييتي
 وتصحيني في كل صباح
 وفي حضنك أكون مرتاح
 وأشوفك وردة بتفتح
 وأعيش دُنيا كلها أفراح
 وأشوف عينيكي أنسى الزعل

وأعيش عمري كله جنبك
وتبقي كل ضحكة ليا
وأبقى خصلة بين ضفايرك
وتبقي ليا انتي السند
وشيء جديد فيا إتولد
وكل حاجة في الحياة
وحاجات كثير ملهاش عدد
تبقي أهلي وكل ناسي
وتعوضي كل اللي راح
تبقي مسكن للألم
وشيء بيداوي الجراح
وتبقي حلم أصبح حقيقة
وتبقي كل الأمنيات
وتبقي حاجة إتحققت
فجأة من كُتر الدعاء
ويبقى أكلي من إيديكي
وأبطل آكل في الشوارع
وترجعي الضحكة ليا
وترجعي كل اللي ضايغ
ونجيب ولاد يشبهوكي
ونلاقي فجأة العُمر يجري
وتفضلي برضوه الحبيبة
وأهم وأغلى حاجة عندي

حبيت وجودك

حبيت وجودك بشكل مُرعب
 وبشكل أصلاً مُخيف
 حسيت إني عارفك أوي
 وكأنك غنية عن التعريف
 حاسك غريبة
 لاء والغريبة
 إني أصلاً أحسك
 مليانة طيبة
 و حلوة في كل حاجة
 دأنا حتى عشقت إسمك
 كل حاجة فيكي بتشدني
 بحس معاكي إحساس غريب
 بحس بقرُبك مني أوي
 وانتني لسه عني بعيد
 حسيت معاكي براحه
 وبسهولة إرتحتلك

وإما غيبتني معرفش ليه
 وحشتيني وإشتقتلك
 حبيتك ب أقصى سرعة
 ودخلتي قلبي بكل سهولة
 وكأني عارفك من عُمر عدى
 أو معايا من سنة أولى
 حبيت عنيكى ومن جمالها
 بقيت بشوفها أسرح أوام
 ومعرفش ليه عايز أحضنك
 وأفضل معاكى مية سنة قدام
 شوفت فيكى كل الحاجات
 وبقيتي مصدر إشتياق
 وبقيتي بالنسبالي قوة
 وضعف في وقت الغياب
 بقيتي كل دنيتي
 وعَ الأرض انتي جنتي
 سكنتي فيا وبقى قلبي بيتك
 وبقيتي انتي ضحكتي
 شوفتك ملاك معرفش ليه
 وحلوة بزيادة انتي
 من جمالك مش قادر أوصفك
 دانتي وصف لوحدك حبيبتى

صراع دايم

بحبك ليه دأنا وقلبي
 متفقين إن إحنا منحيش
 وليه بحس معاكي بحاجات
 المفروض أصلا متتحسش
 غير ميين إثنين عُشاق
 أو إثنين في الحُب دايبين
 بحبك ليه أنا دلوقتي
 ومعاكي غرقان في الحنين
 خطفتيني بكل م أملك
 وختليني أنسى الاتفاق
 وقلبي وعقلي لأول مرة
 يتفرقوا وكأنهم في سباق
 ولأول مرة أتلخبط
 ميين الحاجة والعكس
 عايز أبعد وعايز أقرب

وإحساسي معاكي
 ملوش وصف
 وإتلخبطت كل الحاجات
 من يوم م دخلتي حياتي
 وبرتاح وأنا بعيد عنك
 و برتاح أكثر وأنا معاكي
 بقيتي مُهممة أهمية
 زي اللحن في الأغنية
 اللي بيسمعا قلبي
 ف تتغير كل الحاجات فيا
 بقيتي أهم سُريان
 من بين كل شرايين القلب
 والعقل بسببك إحتار
 مبين الصدق والكذب
 دخلتي في قلبي مخرجتيش
 وفي عقلي وقفتي على الباب
 دي كل الحاجات فيكي تتحب
 وأنا واحد ملوش أحباب
 وبقي عقلي رافض القُرب
 وقلبي رافض البعاد
 وأنا عقلي بيحسبها جدا
 وقلبي ملوش في الحساب

وأنا متعود أبقى واقعي
 ومبصش للنجمة وأقول هوصل
 الا انتي من يوم م قابلتك
 ومصمم أوصلك وبقول هقدر
 لاخبطيني بجمالك
 وعينيكي الحلوة السود
 وكأني شخص كاره حياته
 ورافض جدا إنه يموت
 حاسس إحساس مش عادي
 وكأني بين البنين
 ومتلخبط بين عقلي العقلاني
 وقلبي الحنين حبتين
 حيرتي قلبي وعقلي
 يد حلوة من كتر التفكير
 وقلبي وعقلي إختلفوا
 ودي حاجة مبتحصلش كثير
 وبقي فيه بينهم سراع دايم
 علشانك وبسببك انتي
 عقلي يقولي إبعد وإنساها
 وقلبي يقولي ازاي دي حبيبتني

مبتحبكش

بتزرع أرض مُش أرضك
بتعشق حاجة مُش ملكك
بتبني في واحدة مُش شيفاك
وطول الوقت بتهدك
دي أكثر واحدة شيفاك عادي
وانت أكثر واحد بتعشقها
وبتكذب كل شيء حواليك
وهيا الوحيدة إلي بتصدقها
عُمرك ضاع على الفاضي
بيعدي فترة ورا فترة
وهيا برضوه مش شيفاك
وبتحب الكل الا انت
انت في عينها متتحبش
ف لازم تقبل بهذا الأمر

وتبطل تعشق تفاصيلها
وتبطل كمان تهتم
وحب إلي هتحبك
ومتجرحكش وتصونك
إلي هتحمس معاك بوجعك
ومشاكلك وكل همومك
حب إلي تحبك أكثر
وتكون في حياتك
زي السكر
حب إلي تفكر فيك
أكثر مـ إنت فيها تفكر
حب إلي متوجعكش
وبضحكتها تداوي جروحك
حب إلي تكونك شماعة
لمشاكلك وكل همومك
حب إلي تكونك بيت
وتكونك سند وقت الضعف
حب إلي تستاهل تتحب
حُب يكون فوق الوصف
حب إلي تقوى حُبك
وتحبك في كل الأوقات

إلي حُبها يزيد ميقلش
 أو تبقى معاك بحالات
 مش إلي تعشقها وتوجع قلبك
 وتعمل نفسها مش شايفة
 دي مش آخر واحدة في العالم
 ولا الأجمل ولا الأحلى
 دي حَبت ناس متتحبش
 وجت عندك وقالت لاء
 وتيجي إنت بكل غياب
 تسيب الكل وتعشقها
 يـ عم فوق من وهمك
 دي عايشة حياتها ولا فارقة
 و بتحب إلي مبهمش
 وبتعشق إلي بيجرحها
 ف لازم تتقبل الواقع
 وعشان كرمتك متحبهاش
 وعاملها نفس المعاملة
 دي مفيش حاجة مبتتنساش
 وبلاش تبص في عنيتها
 أول ما تتقابلوا وتشوفها
 وسليم من بعيد لبعيد

كأنك خايف على كسوفها
ومتجرحهاش بكلام سخيف
ولا تعاتبها وتلومها
وعاملها عادي بحنية
كأنها طفلة بتحضنها
وحاول متبقاش مبالغ
في البُعد والاهمال
ده التغير المفاجئ
بيبقى ساعات إهتمام
وكل م تحن وتشتاق
إفتكر إن إلي بينكوا مكملش
وإن البُعد كان إختيارها
علشان أصلا مبتحبكش

بيبان عليا

لسه بشوفك بيبان عليا
إني عاشقك وإني مُعجب
لسه عيوني فضحاني
وبابن أوي إني بكذب
وعيون العاشق متقدرش
تداري حاجات بتداري
عيون العاشق متخبيش
ولا تكذب إستحالة
وأنا عيوني عشقاكي
بكبريائك وكل م فيكي
يد حلوة بستمرة انتي
والجمال لايق عليكي
يد حاجة برغم كل الوجع
ساكنة في قلبي بستمرة

يـ حاجة بيعشقها قلبي
 ومعايا لأخر المشوار
 يـ حاجة كل مـ أعشقها
 وجعي يوم عن يوم بيزيد
 يـ عاقلة لدرجة غبية
 ومعايا وعني بعيد
 لسه بشوفك بيان عليا
 إني فعلا بعشقتك
 وإنك مهما غيبتي عني
 مقدرتش في يوم أكرهك
 أكرهك ازاي وانتي حبيبتي
 وهو إلي بيحب يكره
 دأنا لافيت كل الدنيا
 وملقيتش غير حُضنك مطرح
 دانتي إلي بتوجعيني
 وانتي إلي بتداوي الوجع
 يـ ضحكتي فـ عز ضيقتي
 وسند ليا وصاحب جدع
 يـ أجمل واحدة عيني شافتها
 يـ أكثر واحدة عجباني
 ودايما معايا في وحدتي
 و بالونس محسساني

كُلُّ النَّاسِ

كل الناس سألوني عليكي
وقالوا إننا لايقين على بعض
كل الناس شايفنا حبايب
وانتي ببساطة إختارتي البُعد
كل الناس قالوا إن عنيكي
يـ حبيبيتي أصلا عشقاني
وانتي طول الوقت بعيدة
وعاملة إنك مش شيفاني
كل الناس قالوا إني عاشقك
وإنك في حياتي حاجة مُهمة
وأنا بعمل زيك وبخبي
وكأني عامل مية عاملة
كل الناس شايفنا حبايب
يـ حبيبيتي أصلا إلا إحنا

وبرغم إننا دايمًا بنخبي
 غاوية عيونا تفضحنا
 وتبين لكل الناس..
 إننا أصلاً إثنين عُشاق
 وإحنا بنهرب من بعض تملي
 وكأننا أصلاً في سباق
 وبقينا بنحسب كل كلامنا
 ونعيد ونزيد حسابتنا
 وكل واحد أصلاً فينا
 بيحاول يبقى الأقوى
 برودك خلاني أتغير
 وأعرف أبعد عنك وأقسى
 مع إن غيابك بيوجعني
 عشان بحبك لسه
 بس انتي حبيبتى إتغيرتي
 مع إنك حاجة أنا بعشقها
 وبقيتى تخافي تقولي حبيبي
 لمن حلاوة الكلمة أصدقها
 وبقيتى بتعامليني برود
 وكأني مليش أي وجود
 وأنا متعودتش معاكي بالذات

تبقى كل حاجة بحدود
تغيرك خلاني أنغير
قساوتك علمتني أقسى
علي أكثر واحدة في الدنيا
قلبي حبها وعشقها
ف خليهم يقولوا حبايب
وخليهم يقولوا عشاق
وخليهم يقولوا إفترقنا
وفرقنا كان ملوش أسباب

عيونك بتنسي الزعل

عيونك بتنسي الزعل
 وضحكك بتداوي الجروح
 حلوة جدا تتصوري
 ومن جمالك فين أروح
 حلوة دايمًا يـ حبيبتني
 في أي وقت ومن غير ميعاد
 بمناسبة ومن غير مناسبة
 جميلة في كل الأوقات
 جمالك شيء خيالي
 عنيكي مرسومة بـ إبداع
 ضحكك مليون حكاية
 وحلاوتك عليها إجماع
 كأنك سُكر يـ حبيبتني
 ونوع نادر جدا مـ السُّكر

وكان السكر هو انتي
أو حاجة بتحلي حياتي أكثر
كأنك أصلا كل الحاجات
إلي بيحسها قلبي أنا
كأنك يد حبيبتني راحة
بعد تعب مية سنة
كأنك شمس بتشرق
وبتصالح العالم بضحكتها
كأنك وردة وبتفتح
وبيوصل لقلبي ريحتها
كأنك شيء بيحلي الكون
ويخلي العاقل مجنون
ده الشاعر في وصفك يحتر
لو شاف عيونك دول
كأنك شيء مُش عادي
وصعب أساسا يتصدق
كأنك دعوة أنا دعيتها
وفجأة لأقيتها بتتحقق

حُضْنِك بَيْت

هقول ملين غيرك حبيبتي
 هحكي ملين كل مشاكلي
 مين هتضحكلي وبضحكتها
 كل الحاجات تضحكلي
 مين هتحكيلي أسرارها
 وتزعل لما أغيب عنها
 وتحب وجودي وياها
 وتفرح أول ما أكلمها
 مين هقولها كلمة بحبك
 تضحك وتلمع عيونها
 وأجيبها وردة كالعادة
 تفرح وتاخدها في أحضانها
 مين هقولها وحشاني
 ترد تقولي وانت يه واد

وأحاول إني أمسك أيدها
تقولي وبعدين وياك
أعمل إني زعلان
الاقبها تبوسني على خدي
ف أبصّلها مستغرب
وأضحك وأقولها إتلمي
وأحاول إني أحضنها
تهرب وتقولي ده بُعدك
وتهمسلي بكل حين
إمسح الروج من على خدك
مين هتستني تحت البيت
علشان عارفة إننا جي
وأشوفها من بعيد لبعيد
وأنا خايف من أهل الحي
مين هعشقها بجنون
وهتسنيني أيامي
وتبقى عارفة إني بكذب
و تصدق كل كلامي
ومين غيرك يد حبيبتني
هيحسسنني بالأمان

ويبعدني عن الدنيا
 وأغرق معاه في بحر حنان
 مين هوجعها بغياي
 وأرجع من تاني أصلحها
 والأقيها زي العادة
 طيبة ودايما مسامحة
 مـ انتي اللي عودتني عَ الدلع
 فد إتلعت بزيادة
 وانتي اللي تملي بتسامحي
 وأنا الغلطان كالعادة
 ومين إمتى يد حبيبي
 وانتي بتعرفني تقسي
 منا طفلك وكثير بغلط
 وانتي تملي بتنسي
 مين غيرك أنا هعشقها
 ومين هتشتاقلي لما أغيب
 ده مفيش بعد لُقاكي لُقى
 ومليش غير حُضنك بيت

شيء يشبه لخيال

يـ أجمل صدفة تحصلي
وشيء يشبه لخيال
يـ حاجة قدرت تخطفني
من غير أي إستئذان
إكسري روتين حياتي
أو كوني في حياتي روتين
نسيني حياتي المملة
إلي عشتها من سنين
نسيني حبيبتي إلي غابت
وفارقة حضني للأبد
نسيني الوحدة والاشتياق
وكوني ليًا انتي السند
نسيني عيون عرفتها قبلك
ومش قادر أنسى ضحكتها

خليني أعشق عنيكي إنتي
 وتبقى أكثر حاجة حبيتها
 نسيني حُضن منستوش
 مع إني فارقته من زمان
 خديني جوه حُضنك انتي
 عايز أحس بـ الأمان
 نسيني اللحظات الحلوة
 اللي عشتها قبلك مع واحدة
 كُنت برضوه شايفها حلوة
 ومفيش غيرها بنات أحلى
 نسيني حبييتي مية وجع
 نسيني حتى أنا أبقى مين
 وجُودك في حياتي مُهم
 يشبه عندي للأوكسجين
 ده معاكي الدنيا ضحكتلي
 يـ أحلى حاجة أنا شوفتها
 يـ أجمل حاجة حصلتلي
 وأكثر حاجة بحبها
 مبقتش أقدر عنك أبعد
 ولا بقدر على بُعدك ثانية

حياتي معاكي حاجة
ومن غيرك حاجة تانية
عيوني بتحب تشوفك
يا حبيبتي وتتأملك
وبحب أسمع صوتك
وبقيت بسهولة بفهمك
محتاجلك جدا في حياتي
بدورعليكي من سنين
وكأني طول عمري لوحدي
وفجأة لاقيت بني آدمين

رتبيلی حياتي

رتبيلي حياتي على مزاجك
 أنا عشت حياتي وأنا منعكش
 وعلميني ازاي بسهولة أضحك
 عايز أبقى معاكي مفرفش
 رتبيلي حياتي وكأنها بيت
 مهجور من سنين فانت
 وكأنها أوضتك يـ حبيبتي
 أو كُتبتك أو حتى دولابك
 رتبيلي حياتي بعيونك
 وصحي فيا حاجات ماتت
 دأنا عايش حياتي من فترة
 وفيها كل شيء ثابت
 حياه مُملة مبتغيرش
 وكل الأيام يوم واحد

ف رتبيلي حياتي على راحتك
مش زي منا حاب
رتبيلي جدول مواعيدي
وإعملي القهوة ب إيدك
وقوليلي أنا وأصحي إمتي
علي حسب جدول مواعيدك
وإكويلي كل القمصان
وإختاري نوع البرفان
وقوليلي إمتي أزعل
وإمتي أبقى فرحان
وإختاري لون ليا مُفضل
والي انتي شايفه الأفضل
علشان عقلك بيعرف يختار
وعنيكي بتشوف الأجمال
وإختاري تسريحة شعري
والدقن ازاى بتحبيها
وطريقة لبسي والساعة
وحياتي بكل م فيها

وسيبي ذكرياتي على جنب
 واللي متعجبكيش إرميها
 والذكرى اللي بتوجعني
 من غير تفكير إحرقها
 وخلي بالك من القلب جدا
 أصله يشبه لوح إزاز
 وفيه شرخ قديم معلّم
 وكأنه صورة في برواز
 رتبي حياتي وغيرها
 وكأنك مهندس ديكور
 نسيني كل لحظة وجع
 وكأنك أصلا دكتور
 رتبي كل المتنعكش
 عشان زوقك بيعجبني
 ونعكشي كل المترتب
 ورتبيه زي مـ بتحبي

غيبتي ليه

غيبتي ليه بالشكل ده
مش إتفقنا متغيبش
أصلك مش أي واحدة
وفي بُعدك ببقى صعب أعيش
وبتوحشيني بشكل أصلا
لا يتحكي ولا يتوصف
ببقى في غيابك حبييتي
شخص غيري ومُختلف
وإكمني بعشق وجودك
وإكمنك بتحلي يومي
لو غيبتي بلا حظ غيابك
ومن أول لحظة بتوحشيني

مـ انتي عارفة يـ حبييتي
وأنا حكيترك الف مرة
إن غيابك صعب جدا
وإني في بُعدك حياتي مُره
وإحنا إتفقنا في المرة الأخيرة
إنك مش هتتغبي تاني
وأديكي غييتي زي عادتك
وزي العادة وحشاني
وأديني بحسب في الدقايق
وقاعد أعد الساعات
وبقرا في رسايل قديمة
منك بس من وقت فات
واليوم في بُعدك مش طبيعي
والليلة بتعدي في ليالي
وانتي غايبة يـ حبييتي
وأنا مُشتاقلك تعالي
في كل مرة أقول هعاتبك
لما أشوفك عَ الغياب
وإما أشوفك بوجودك أفرح
وكالعادة أنسى العتاب

وكان إشتياقي ليكي
بينسيني يـ حبيبتي أعاتبك
وقبل مأسأل غيبتني ليه
أقولك كلمة بحبك
ووجودك ينسيني الغياب
وأغرق معاكي في الحنين
وابداً أوصف جمال عنيكي
كالعادة بكلام كثير
واخذ منك يجي الف وعد
إنك مش هتغيبي
وزي عادتك تقولي أسفة
ومتزعلش يـ حبيبي
ف أنسى بـ أسفك مية وجع
وتروح جروحي بنظرة عنيكي
وتصبرني إبتسامتك
والبراءة إلي بشوفها فيكي
معرفش ليه مبعرفش أعاتبك
مهما عملي أو مهما يحصل
في حد بيعاتب نفسه حبيبتني
أو من روحه أصلاً بيزعل

الجمال لوحده انتي

هو فيه يـ حبيبتي شبهك
 ولّا انتي أصلا ليكي زي
 مين جماله يشبه جمالك
 وعيونه فيها أحلى ضي
 مين في جمالك حبيبتي
 ده الجمال لوحده انتي
 والقمر لو شبهوه..
 هيبقى شبهك لو ضحكتي
 مين عنده غمازتك
 وعيونه تشبه عينيكي
 دي كل الحاجات الحلوة
 إتجمعت بس فيكي
 مين ضحكته بتحلي الكون
 وعيونها بتلمع على طول

وحلوة في كل الأوقات
حتى لو صاحية من النوم
مين مُميّزة في كل حاجة
والكسوف مخلوق عشانها
مين جمالها عن حده زايد
وحلوة حتى في كلامها
صعب يبقى في حد شبهك
أو يبقى فيه منك إثنين
دانتي حاجة نادرة جدا
ومفيش زيك بنات تانين
مين بيشبهك في وصفه
مين أصلا حلو زيك
ده مفيش حد في جمالك
ولا فيه نسخة تانية منك
ده انتي بس اللي حلوة
ومفيش زيك بنات حلوين
انتي بس اللي شبهك
وانتي كل الأربعين

بحب قساوتك

كل م تقسي أحب قساوتك
 وكأنها ميزة فيكي بتتحب
 بنسالك حبييتي مية وجع
 وكل حاجة قولتيها كذب
 وكل م تقسي قلبي يسامحك
 كالعادة بـ إسم الحُب
 ومش عارف ليه لسه بحبك
 وكأني عاصي وانتي الذنب
 إلي مش عارف أبعد عنه
 ولا قادر حتى عنه أتوب
 وكل يوم أقرب أكثر
 وتزيد من تاني الذنوب
 عايز عن حُبك أتوب
 وأنساكي مية سنة قدام

وأبطل أشتقالك باستمرار
في كل ليلة قبل ما أنام
عايز أتوب عن ذنبي
وأبطل أبقى في حُبك عاصي
وتبقي حاجة ملهاش وجود
وأول ما أشوفك أكون عادي
دأنا كل مرة أقول تُوبت
وأشوفك تخطفيني كالعادة
وكأني درويش من دراويشك
وإتعلق بيكي بزيادة
يـ حببتي إالي محبتنيش
ومن كل قلبي حبيتها
يـ أكثر واحدة بتعرف تقسى
ومشوفتش في حنيتها
قوليلي إزاي أبطل أحبك
وعن حُبك أقدر أتوب

قوليلي إزاي مشوفكيش قمر
وأبطل حبة أبص لفوق
قوليلي إزاي أكرهك
وأعرف أقسى بسهولة زيك
دانتي لما بتوجعيني
بيحلالي الوجع عشان منك
وبعاتب نفسي لما أقسى
وأخاف جدا على زعلك
وانتي تزيدني في قساوتك
وأنا برضوه لسه بحبك
قوليلي حبيبتي لحد إمتي
هنفضل على ده الحال
انتي تزيدني في قساوتك
وأنا كالعادة أشوفها حنان

أجمل واحدة في العشرين

يـ أجمل واحدة في العشرين
وأجمل واحدة في الثلاثين
يـ حلوة في كل أعمارك
ولو حتى في السبعين
يـ واحدة بتخطف العين
وبتقدر تخطف القلب
يـ حسنة وبكل سهولة
بتقدر تمحي مية ذنب
يـ وردة ولونها مُميز
عن الورد إلي في البساتين
يـ واحدة برغم كل الزحمة بتبان
وتتحب، حتى لو بين ملايين
يـ أجمل شمعة في حياتي بتنور
لا بتحرق ولا بتأذي ولا تعور
يـ تُحفة ومفيش منها كثير

وحاجة من الصعب تتكرر
 يد وجع في القلب مداري
 و لسه ينزف..
 وكأنه من ساعتين
 يد ضحكة في عز أحزاني
 بضحكها كل فين وفين
 يد وردة شايها في كتابي
 ومحافظ عليها من سنين
 في كتاب متكرر فيه إسمك
 مع ورقة فيها شعر حزين
 عنيني بتحلو كل م تقسي
 وكل م تبكي بتلمع وبتنور
 يد أكثر واحدة حبيتها
 وأكثر واحدة وجعتني
 وجع فوق م أتصور
 يد حلوة وانتي مغرورة
 وحلوة وانتي بتنسيني
 وحلوة وانتي عشقاني
 وبتحاولي فيكي تكرهيني

يـ حلوة وانتي بتفارقي
 حُضن في يوم كان سندك
 وحلوة وانتي بتبيعي
 أكثر قلب كان جنبك
 يـ أجمل واحدة تعرف تقتل
 ومبتسبش وراها دليل
 يـ أجمل واحدة تعرف تبكي
 ودموعها دموع تمثيل
 يـ أجمل حاجة تحصلي
 من ضمن الحاجات الأسوء
 جمالك يشبه جمال البحر
 حلو لدرجة بتغرق
 يـ صورة معايا في دولاي
 أخذتها سرقة من الشنطة
 وأنكرت يومها إنها معايا
 أو حتى شوفتها صدفة
 وكأني عارف إني هفارقك
 وإللي هتفضلي الصورة
 يـ أكثر واحدة بعنادها كسررتني
 وأجمل حاجة شافتها عيني مكسورة

بحب عنيكِي

بحب عنيكِي لما بتضحك
ولما بتزعل وبتبكي
ولما بتحتار وتخاف
ولما بتشتاقلي حبيبتِي
وبحبها لما تكون رايقة
ولما بتكون فرحانة
يـ أقرب حاجة لقلبي
يـ أغلى وأجمل إنسانة
وبحبها لما تكون صافية
ولما بتكون مجنونة
بحبها في كل الأوقات
والأكثر وإنتي حنونة

بحب عنيكي السود
الي من كل العالم بتاخديني
وبتنسيني حياتي بـ أكملها
وعن الحزن بتبعديني
بحبها لما بتحتار
وتفضل رايحة جاية
عنيكي يـ حبييتي أساسا
أجمل حاجة شافتها عنيا
بحب عنيكي السود
وبعشق يـ حبييتي كلامهم
وبفهمهم بسهولة جدا
الله على جمالهم
بعشق فيهم نظرة رضا
ونظرة شوق أو لهفة
بعشقهم في كل وقت
حتى لما بتبقي خايفة
بعشق خوفهم عليا
وأسرح وأنسى كل إلى فات

حتى نظرة الغيرة
برضوه بعشقتها ساعات
بعشق عنيكي لما تغمض
وبعشقهم وهما مفتحين
حتى وتحت عنيكي إسود
بيبقوا كمان حلوين
قوليلي ازاي عنيكي حلوة
يـ حبيبتى يخربيت كده
جمال عنيكي مُش طبيعي
وبعشق عنيكي أنا

بنت بطعم الحنية

بحبك حُب مش عادي
وطول الوقت شايفك حلوة
يـ أجمل واحدة في خلق الله
يـ أحلى من بنات حوا
بحبك بطريقة غريبة
خيالية شبه الأفلام
بسببك بنسى مية وجع
ومية جرح من الأيام
معاكي بحس بسعادة
لدرجة كبيرة ملهاش وصف
ده حُبك قوة بالنسبالي
ومن غيرك بحس بضعف
بحبك بطريقة عجيبة
مش عارف ازاى أوصفها

كأني في مدينة غريبة
وانتي الوحيدة اللي أعرفها
كأنك عيلة بأكملها
وأنا عشت حياتي وحيد
كأنك حزن في الزحمة
وإتحول فجأة لبيت
كأنك إيد بطبطب
وعيون حلوة عشقتني
بعد م عشت حياتي لوحدي
وكل الناس كرهتني
كأنك وقت الخوف آمان
كأنك وقت الشدة لين
كأنك مسكن ي حبييتي
وبينسيني تعب السنين
وكان ملامحك الحلوة
قادرة تنسيني مية وجع
والضحكة المرسومة على خدك
بالنسبالي صاحب جدع

كأنك نجمة ونورها زايد
وظهرت فجأة ف ليلة عتمة
وخطفت عيني بسهولة
من كُتر م هيا مُختلفة
كأن عنيكي بتصبرني
وتاخذني لدنيا بعيد
ولما أزعل أول م بشوفك
بتحول لشخص سعيد
كأنك بيت أنا سكنته
وليه فيه مليون ذكرى
يـ حاجة قلبي بيعشقها
مع إني أعرفها بالصدفة
يـ حاجة بتقدر تخطفني
من نفسي ومن الدنيا
وكأنك فراشة جميلة
وبنت بطعم الحنية

السندريلا سعاد

مُميّزة في كل حاجة
 ومختلفة عن كل الناس
 حلوة بدرجة جيد جدا
 وجميلة بدرجة إمتياز
 بتجمعي كل الصفات
 وكأنك كام بنت ف واحدة
 واحدة مجنونة جدا
 وواحدة بستمرا عاقلة
 وواحدة تشبه ل طفلة
 دلوعة وأخر العنقود
 مقضيها بوز البطة
 وف السيلفي بتبقى كيوت
 وواحدة بتحب الموضة
 ومُهمّمة باللبس والفساتين
 تجنن في فستانها الأسود

وكل الألوان عليها حلوين
وواحدة بتحب الأكل
ومجنونة بالبيتزا والباستا
وبتعشق ورق العنب
وكأنها ست بيت شاطرة
وواحدة تشبه للأم
في حنانها وفي الطيبة
وواحدة تشبه للأخت
بتفهمك بطريقة غريبة
وواحدة بتحب تغني
ومقضيها غنى والحنان
صوتها مُميز جدا
يشبه لصوت أنغام
وواحدة بتحب الشعر
والروايات والأفلام
وفي ماتش الأهلي تلاقىها
دائما في الثالثة شمال
بنت بمية شخصية
بنت مليانة بنات
حاجة بجد خيالية
تشبه للسندريلا سعاد

أطعم من الشيكولاته

متعودتش أدمن حاجة
 ولا أعشقها بشكل مُخيف
 حتى سجايري اللي أنا بشر بها
 بشر بها عادي على خفيف
 بس أنا ليه أدمنت وجودك
 وعشقت عنيكي الحلوين
 دي عنيكي حبييتي في إدمانها
 كانت أقوى من النيكوتين
 حبييتك ليه أنا مش عارف
 وازاي بسهولة وصلتي لقلبي
 دي الدنيا حبييتي بتضحكلي
 أول بس مـ تكوني جنبي
 انتي أول حاجة أنا بدمنها
 وممكن أبكي علشانها في يوم

مع إني مش متعود أبكي
ولا أبان في يوم مهموم
ومعاي حياتي מבسبهاش
مع إني متعود أصلا
أفكر في الحاجة مية مرة
قبل م أعمالها وتحصل
معاي بنسى الأيام
وبعمل للحن Delete
وبضحك طول الوقت
وقلبي بيبقى سعيد
غيرتي حياتي بوجودك
وعيونك الممليانة حيرة
غيرتي حياتي مية درجة
وحاجات ياما فيا كثيرة
وبقيتي حاجة أنا مُدمنها
وبعشقها بكل بساطة
بأحلى من السكر نفسه
وأطعم من الشيكولاته

لو حبيبتي

تعرفي إنك لو حبيبتي
 كانت الحياه هتختلف
 كنت هبقى شخص تاني
 غيري خالص ومُختلف
 كنت هفرح جدا بسببك
 وكنت هزعل كمان لزعلك
 وكل مرة أشوفك فيها
 هقولك مليون بحبك
 كنت ههتم بيكي
 وهغير جدا عليكي
 وهحفظ تفاصيل ملامحك
 وهعشق ضحكت عنيك
 كنت هفرح كل يوم
 لما أصحى وأشوف رسايك

كنت هبدأ يومي أصلا
بمكالمة وضحكة منك
كنت هشوفك بتحبي إيه
وأعمله دايمًا وافجأك
كنت هعشق وجودك
وأزعل جدا لما أفارقك
كنت هحب حياتي أكثر
ووجودك يديني أمل
كنت ههتم بنفسني
وأشرب زيك شاي بلبن
كنت هشوف إيه بضايقتك
وأحاول دايمًا معملوش
واللي انتي بتحبيه
هحبه لو مبجهوش

كنت هجيبك شيكولاته
وكل يوم هجيبك ورد
كنتي هتبقِي مُميّزة
وأغلى عندي من أي حد
تعرفي إنك لو معايا
كانت حياتي هتبقى جنة
كنت هبقى بضحك تملي
وأسعد واحد في الدنيا
كنت هحب أعيش عشانك
وأتمنى أعيش وقت أطول
كان حُبك هديني قوة
وأي حاجة عليها هقدر

جمال البداية

جمال البداية عمى عنيك
ونسيت إن الثانية كانت أجمل
وكانت بتعاملك نفس المعاملة
ويمكن كمان كانت أحسن
وإيه يعني دي حنينة حبة
من الثانية كانت عليك أحن
وكانت بتسأل زي دي
وكانت برضوه بتهتم
وكانت بتسملك قلوب
وكانت بتقولك يه بيبي
وكنت بتعشق وجودها
والموضوع كان إيزي
وشوف دلوقتي بقت فين
وبقى فيه مبينكم كام حاجز

وبقى كبريائها بيمنعها
 تيجي تقولك حتى إزيك
 وإنك كبريائك مُش عايز
 ومش قادر تنسى وجعك منها
 وكل هداياها بتحرقها
 وهيا كمان خايفة تقرب
 منك علشان بتعشقها
 ودي بالنسبالها خيانة
 لحبيب تاني بقى مكانك
 ف البُعد أساسا كان أحسن
 علشانها وكمان علشانك
 وبقى دلوقتي كلامكوا سكوت
 ومفيش أي حنين يجمعكوا
 وبعد مـ كنتوا أقرب إثنين
 بكل بساطة إتفرقتوا
 وبقت ماضي بالنسبالك
 لكن الحاضر ميخصكش

وتشوفها ملامحك تضحك
لكن قلبك مبيضحكش
وبقيت مكسور من غيرها
وعامل إنك متهزتش
وبتضحك الضحك الهستيري
ومحدث قالك معلش
جاي دلوقتي تداوي جراحك
فتقوم تفتح في جروح تانية
دي كل حاجة في الأول حلوة
ف إوعى تقع في نفس الخية
وإوعى جمال البديات
يعمي عنيك وتصدق
إنها هتدوم في حياتك
ف إوعى تحب وتتعلق

أسئلة ملهاش إجابات

انتي شيء أنا بعشقه
 وحلم نفسي أحققه
 انتي الصعب والممكن
 والكذب اللي قلبي مصدقه
 انتي أجمل واحدة سابت
 في حياتي ذكرياتها
 ومن أول حُضن سابت
 روحها فيا وهيّا ماشية
 انتي أكثر واحدة حبت
 وأكثر واحدة فيّا دابت
 انتي أكثر واحدة سابت
 وانتي أكثر واحدة غابت
 انتي كل الذكريات
 وانتي كل حاجة كانت

انتي كل الامنيات
وحاجة في القلب مازالت
انتي وجع بقى فيا ساكن
يـ حبيبي وملوش علاج
انتي حاجة بعشق وجودها
ودايما لحضنك مُشتاق
انتي الحاجة القريبة دايما
وفي نفس الوقت عني بعيد
انتي اللي بفتكرها بزعل
وفي نفس الوقت بكون سعيد
انتي حاجة مُختلفة في حياتي
ولحد دلوقتي ملهاش مُسمى
لا انتي حبيبي ولا أنا حبيبيك
ولا قادر أوصفك بـ أي كلمة
حاجة ملهاش أي وصف
ولا من ضمن التشبيهات
مكانها في قلبي ثابت
مهما أقابل غيرها بنات

انتي الشيء المُستحيل
ومع ذلك إليه هميل
انتي الشيء القليل
وقلبي يشوفه كثير
انتي الحاجة اللي بتغيب
ومع ذلك شايفها دايمة
وأكثر حاجة بشوفها حلوة
صحيح مراية الحُب عامية
انتي حاجة مبتغيش عني
وكأنك عندي كل الحاجات
وبضايق من بُعدي عنك
بس ببقى مرتاح ساعات
أوقات أحس إنك حبيبتني
وأوقات إننا مش عُشاق
وأسرح كثير واسأل نفسي
أسئلة ملهاش إجابات

انتي ضحكة

انتي ضحكة في عالم كئيب
عالم غريب كله ملل
انتي السعادة يد حبيبي
وفي حياتي انتي الأمل
انتي ساعات الصفى
انتي الدفى انتي الوفى
انتي مليون ساعة هدوء
وفي وقت التعب انتي الشفى
انتي ضحكة لشمس طالعة
ولمعة عنيكي في حياتي ضي
بيقدر يمحي أي عتمة
ولجماله مشوفتش زي
انتي ضحكة بتداوي وجع
وبتكسر الروتين الحزين

وبتخلي أي جراح تلم
 حتى لو من سنين
 انتي ضحكة بشوفها بضحك
 وبنسى حياتي بالكامل
 انتي وردة مبتدبلش
 وجمالك شيء دايم
 انتي ضحكة نادرة جدا
 وجمالها عدى كل الحدود
 انتي ضحكة حلوة خالص
 تشبه لضحكة شهيد بيموت
 انتي ضحكة مبتكشرش
 ولا بتضايق وتزعل
 تشبهي للقمر في جمالك
 ويمكن كمان انتي أجمل
 انتي ضحكة لما بتضحك
 الكون بيضحك بسببها
 وبيزعل لما بتزعل
 علشان بيزعل علي زعلها
 انتي ضحكة بيضحها طفل
 لسه عمره دقائق يدوب
 ضحكك دي شيء خيالي
 وحاجة بتقدر تمحي الذنوب

قلبها إسود

قلبها إسود مبتحنش
ولا بتسأل ولا بتشتاق
وبتغيب عني بالأيام
وبتقدر على أي فراق
مبتحنش مع إني بعشقها
وبحبها حُب مش عادى
ببساطة هيا ركن خاص
وفيه بنسي كل حياتي
ومع ذلك مبتحنش مهما أعمل
ومهما أقولها كلام حلو
دي أجمل حاجة في حياتي
وف نفس الوقت أكبر هم
ولما أسالها مستغرب
أنا فيا إيه ميتحبش !؟

وعن حد في حياتها
 بكل برود تقولي محدش
 وإن إحنا إخوات مش أكثر
 وإني أقرب صديق ليها
 وإنها حابة وجودي جدا
 وبتحب خوفي عليها
 وتسكت كالعادة وتقول
 صدقني بجد مش عارفة
 ويعدي يومين والاقبها
 حبت حد بالصدفة
 وتنساني كام يوم
 وفجأة حبيبها يجرحها
 فترجعلي من تاني
 عشان تحكلي على وجعها
 يكون كلامي بسيط جدا
 وبكل برود عشان موجوع
 وكلمة ف كلمة وكالعادة
 نبدأ نغير في الموضوع

وأحبلها من تاني
وأقولها كنتي وحشاني
وكأني منها مبزعلش
مهما كانت جرحاني
وأقولها إنها حلوة
وإن جمالها بيزيد
وإني بشوفها باستمرار
لكن من بعيد لبعيد
ويعدي الوقت ويتكرر
من تاني نفس المشهد
تبعد فترة وترجعلي
لكن قلبها إسود
وبرغم إنها مبتحنش
لكن حابة وجودها معايا
وأنا مش عارف أكرها
وأكتب كلمة النهاية

إفتكرتك ملاك

إفتكرتك في البداية ملاك
 وطلعتي في النهاية بشر
 غلظ جدا في الحسبة
 ومتوقعتش إللي حصل
 طلعت عبيط وساذج
 وطيب جدا على نيأتي
 أول مرة بجد أغلظ
 ومحسبهاش وأعيد حساباتي
 أول مرة أخسر حاجة
 متأكد جدا من مكسبها
 أول مرة أخسر لعبة
 مع إني بعرف العبها
 وانتي حبييتي كنتي خُسارتي
 وكنتي في نفس الوقت المكسب
 انتي اللحظة الحلوة
 وانتي التفكير المتعب

انتي أكثر واحدة وفيّة
وأكثر واحدة بتخون
انتي أكثر حاجة بتوجعي
ومع ذلك عايزها تدوم
انتي أكثر واحدة خاينة
وعندها مبررات تخون
حُب أول في حياتها
مع واحد ثاني
بورقة ومأذون
انتي أكثر واحدة..
بحضنها في خيالي
وغيري بيحضنها في الحقيقة
انتي أكثر واحدة بشوفها خاينة
وأكثر واحدة شايفها بريئة
انتي الدائمة في حياتي
مع إنك مدومتيش
انتي أكثر واحدة حبييتي
وإختارت إنها متحبنيش
انتي الفرحة اللي مكملتش
وانتي الحزن اللي بجد
انتي الجنة اللي هموت وأدخلها
وانتي حبييتي برضوه الذنب

مبتعرفيش تقسي

عارفك مبتعرفيش تقسي
مهما بقسى وأنساكي
جميلة باستمرار انتي
وفي أي وقت بلقاكي
عارفك حنونة بزيادة
وفي كل حاجة مثالية
مُختلفة حتى ف غيرتك
وأحن بنت في الدنيا
عارفك برغم كل السُكات
ودايما بفهمك أنا
ولو غيبتي عني بشتاقلك
وكأنك غايبة مية سنة
وعارفك ساعات بتخافي
إني أعشق غيرك وأحب
وإن غيرتك بتزيد
لو شوفتيني بكلم حد

وعارف إن سكوتك وجع
والزعل باين عليكي
وإن الضحكة مش من قلبك
دي حتى مبتلمعش عنيكي
وعارفك قلقانة دايمًا
وخايفة أكون مبحبكيش
ودايمًا بسببي بتتوجعي
فأنا أسف متزعليش
عارفك مليانة طيبة
وبعشقك حبييتي بجنون
واللي يعشق القمر
صعب يبص للنجوم
عارفك بتزعلي مني
لكن في ثواني بتحني
قلبك مبيعرفش يزعل
ودايمًا عنيكي فهمني
منا عارفك شبه الطفلة
بسرعة بتحني وترضي
فمتزعليش مهما أبعد
ومهما الدنيا تاخذني

تعبي المريح

انتي حلوة في عيني جدا
وحاجة إحترت في وصفها
في وجودها بتحلو حياتي
وبنسى الدنيا في حُضنها
انتي فرحة يد حبيبتني
وانتي مصدر للجنون
انتي كل حاجة ليا
وعشانك كل شيء يهون
انتي قوة وانتي ضعف
وانتي كل إحساس
انتي أغلى حاجة عندي
وأغلى من كل الناس
انتي حلوة من غير سبب
وأجمل من أي واحدة

انتي زعل انتي إكتأب
انتي يد حبيبتي ضحكة
إنتي إحساس بالأمان
و عُمره مـ إتحول لخوف
انتي حلوة بمليون طريقة
ومهما كانت الظروف
انتي حاجة شبه الخيال
ومش بصدق وجودك معايا
وكل يوم بيزيد جمالك
وكل يوم بتبقي حكاية
وانتي اللي بتخطفيني
وقدام عنيني بكون صريح
وانتي راحتِي المُتعبَة
وانتي تعبي المُريح

مُش كفاية

أنا لو فضلت احمِد ربنا
 على نعمة وجودك معايا
 لأخر يوم في حياتي
 ده مش كفاية
 أنا كنت بدعي طول الوقت
 إني الأقي واحدة زيك
 تحلي كل أوقاتي
 وتبقى بنفس طيبة قلبك
 وتبقى حلوة في كل حاجة
 حاجة وصفها مبيتوصفش
 جمالها يبقى حكاية
 وحاجة أصلا فوق الوصف
 تبقى توأم لروحي
 وتشبهني في كل الحاجات

أحس معاها إني في جنة
من كُتّر مـ بشوفها ملاك
كُنت بتمنى أقابلك
وأنسى معاكي سنين الوحدة
وأنسي تعبني أول مـ أشوفك
بنظرة منك وكام ضحكة
انتي حاجة أنا إتمنيتها
من قبل أصلا مـ تحصلي
فـ لازم احمد ربنا عليكي
كل يوم وأنا بصلي

وصفك مُستحيل

وصفك ده شيء مُستحيل
 إنتي حاجة فوق الجمال
 مش عارف أصلاً أقولك إيه
 مش لاقى لوصفك كلام
 حلوة جدا في كل حاجة
 وأي حاجة بتعملها
 دانتياًصلاً من جمالك
 كل حاجة بتحليها
 ووجودك بيحلي الوجود
 زي الفراشه بجد انتي
 حلوة جدا تتصوري
 وبقيت بحب وجودك جنبي
 إتعلقت بيكي من غير م أفكر
 ومن غير أي إستئذان
 دا انتي أجمل حاجة حصلتلي
 دلوقتي ولسنين قدام

إحترت أكتبك إليه
إحترت أوصف شخصيتك
من جمالك ي حلوة انتي
يخربيت ضحكتك
بنت بتحب الحياه
بنوته بتحب تضحك
وجودها بيحلي الوجود
وضحكتها بتصدق
قادرة تنشر السعادة
في أي وقت من غير أسباب
حلوة جدا زي السكر
وبتنسي الزعل والإكتاب
لما تشوفها تدخل قلبك
بكل سهولة وبساطة
وكأنك تعرفها من فترة
وفيه مابينكم أصلا علاقة
بنوته بمية راجل
وظفلة ١٢ سنة
فيها حاجة بجد نادرة
إحترت أوصفها أنا

ياسكرتي

ياسكرتي
يا حلوة انتي
يا أجمل حاجة
في الدنيا حصلتي
يا بسكوته
يا أجمل وأحلى بنوته
وبوجودك في حياتي
لاقيت الدنيا ضحكتلي
يا أغرب حاجة في الدنيا دي
وبحس إنها نادرة
وصعب من تاتي تتكرر
أو تتوصف بكام كلمة
يا أجمل ضحكة في الكون

والزعل عليكي مبلقش
وكأنك حاجة خيالية
وفي الوقع مبتحصلش
يـ جميلة في كل حاجة
وضحكتك إختصار للبساطة
يـ حلوة بطريقة حلوة
يـ أحلى من الشيكولاته

عودتي قلبي

عودتي قلبي عليكي وخلص
خليتني أحبك وب إخلاص
وكننت فاكرك يعيني ملاك
وطلعتي زي كل الناس
عودتيني أسهر أشتاقلك
وأخاف جدا من إني أفاركك
ويوجعني أوي غيابك
وأتمنى أكون دائما جنبك
عودتيني ازاي أحس بوحدة
وازاي أهتم بوجود حد
ويبقى بالنسبالي حياه
ويوحشني لما يغيب بجد

عودتيني على الغيرة
وإتعودت على الخوف
وإني أحس بوجع
وملاقيش لوصفه حروف
عودتيني مصدقش
كل الكلام اللي يتقالي
ولا إن كل الحاجات دائمة
وكل اللي عايزه هيحصلي
عودتيني إني أعشق
وأقول بحبك كل يوم
وأعرف حاجات بسببك
وأفهم لغات العيون
وعودتيني جوه حُضنك
أنسى كل الهموم
وعرفت يد حبيبتني منك
بجد أنا من أكون

عودتيني إني أسهر
وأسرح في عنيكي الجميلة
وأسمع فيروز ووردة
وكاظم وعمرو كل ليلة
عودتيني ازاي أفارق
حاجة بعشق وجودها
وازاي أبان عادي جدا
وإني مش زعلان عشانها
عودتيني ازاي أضحك
وأنا هموت من الوجد
وأعرف مين حُبه بجد
ومن حُبه كان مُصطنع
عودتيني أحب نفسي
عشان في يوم حبتيتها
وأعشق حاجات كثير
وأكرها من حُبي فيها

إكسري مرة الروتين

ساعات بستنى منك رسالة
تطمئن قلبي الموجوع بجد
يـ إللي كنتي جنبتي ومعايا
وأقرب ليا من أي حد
ساعات بستنى منك رسالة
تطميني إني لسه في بالك
وتخلييني أفرح لو ثواني
وأطمئن فيها عن أحوالك
بس مش رسالة عتاب
رسالة حُب وحنين
مش كل مرة هنتعاتب
دإحنا بتكلم كل فين وفين
وحسسيني إنك سعيدة
وإكسري الروتين الحزين
مش كل مرة هنتكلم

والاقبيكي زعلانة حبتين
 و بلاش تعاتبيني كتير
 وتزعلي إني مبقتش أغير
 ومنتسألش عن أي واحدة
 بتلاحظي وجودها معايا كتير
 ولأ أقولك إسألني
 عشان ساعات بشتاق لغيرتك
 وقوليلي كلام رومانسي
 وإبعثلي كالعادة صورتك
 خلييني أنسى لو ثواني
 إن فيه بيننا فراق
 وإن فيه حد في حياتك
 وإننا بقينا إثنين أصحاب
 خلييني أنسى إشتياقي
 إلي يوم عن يوم بيزيد
 خلييني أنسى وجع البعاد
 ولأول مرة أكون سعيد
 خلييني أنسى إنك بتقسي
 وأشوف منك لحظة حنين
 فرحي قلبي لو دقائق
 وإكسري مرة الروتين

بعشقتك من غير مُناسبة

بعشقتك من غير مُناسبة
و بشكل أصلا يختلف
عن كل عاشق بعشق حبيته
ومبتصدقهوش مهما حلف
بعشقتك بطريقة أصلا
يد حبيتي ملهاش وجود
بعشقتك بشكل مُخيف
وفي وصفه عدى الحدود
بعشقتك معرفش ليه
ومتسألش قد إيه
في حد يعرف النجوم
إلي في السما
عددها إيه !?
بعشق ضعفك وكبرائك
وعنيكي لما بتأملني

بعشق هدوئك وسكاتك
 وعقلك لما يفهمني
 بعشق ذكائك الزايد
 وبعشق فيكي حتى الغباء
 ولما يحصل حاجة بيئا
 وتخافي حبيبي م الفراق
 هو أنا معقول أفارقك
 أو أسيبك وعنك أبعد
 دانتي حاجة ساكنة فيا
 وانتي الي قلبي حبك
 بعشق غيرتك الزايدة
 لما تتخانقي معايا
 يأجمل حاجة حصلتي
 وبالنسبالي أحلى حكاية
 بعشقتك بطريقة خاصة
 وبسببك قلبي داب وحب
 دانتي الحقيقة في عالم مُزيف
 وانتي الصدق وسط كذب
 وانتي المشاعر الصادقة جدا
 وانتي الحنان والحنين
 وانتي الي حبك نسي قلبي
 مية وجع من السنين

وانتي مصدر للجنون
والحيرة والتوهان
وانتي سند وبالنسبالي قوة
وكل إحساس الأمان
ومتقوليش إني بجاملك
وإنك حاجة عادية
دانتي حلوة جدا في وصفك
وحلوة خالص في المعاملة
ومتقوليش ید حبيتي ليه
دي حاجة مش محتاجة سؤال
دانتي تتحبي في دقائق
ونسيانك شيء مُحال
ومتقوليش إن غيابك
حاجة مش مُمكن تزعل
دأنا بشوفك بنسى نفسي
وقلبي بتبقى حالته أحسن
ومتقوليش إني ببالغ
أو بقول كلام كثير
دانتي القمر من ضحكتك
ید حبيتي كان بيغير

بحبك لما تخنيلي

بحبك لما تخنيلي
 بصوتك إالي يشبه كمان
 أنا أصلا بعشق غُناكي
 وكلامك بسمعُه الحان
 غنيلي حبيبي مية غنوة
 غنيلي في كل الأوقات
 إسهري غني لحد الصبح
 وسهري كل النجمات
 غنيلي غنوة بحب أسمعها
 وبعشقها منك بالذات
 حلو الحلو بكل خصاله
 وأغنية الهوى غلاب
 ده غناكي بينسيني الدنيا
 وبسرح أنا فيكي وبس

يـ حاجة بتقدر تسعدني
وتفرحني من غير مـ أحس
يـ أ عقل واحدة مجنونة
وأحن واحدة عصبية
يـ حاجة بتجمع كل الصفات
وأكثر متفاهمة عندي
دا انا حاسك مخلوقة عشاني
وعشان أصلا تبقي ليا
تعالى في حضني الليلة
محتاج منك حنية
يـ طفلة ومبتكر يش
وحلوة لدرجة متحكيش
وجمالك نوع نادر جدا
وزيك يـ حبيبتى مفيش
حييتك بكل الطرق
حييتك بكل حالاتك

حببت فيكي الحاجات الحلوة
وحببت أسوء صفاتك
وحببت عيونك الراقية
إلي بتضحكي تملي
وصوتك إلي يشبه بيانو
من جماله لما بتغني
ف غني وقت م تحبي
وإرقصي وإنسي همومك
وإوعي في يوم تضايقي
أو تبكي يد حبيبي عيونك
وإوعي أشوفك زعلانة
وملامحك الحلوة مكشرة
ده الكون بيضحك بضحكة منك
حتى لو ضحكة صغيرة

مش دائمة

عارف إنك مش دائمة
وإنك وقت وهتعدي
بس بفرح جدا بوجودك
وانتي سبب في سعادي
عارف إني مع الوقت هفارقك
وكل واحد فينا هيبقى في وادي
وإني في النهاية هتوجع
ولسه مكمل معاكي وعادي
ولأول مرة محسبهاش
وأعيش الوقت بوقته
أحسبها بقلبي مش عقلي
وأمشي في طريق إختاره
عايز أفرح معاكي حبيبتي
ويبقى فيه مبيتا كام ذكرى

أعيش عليها وأنا لوحدني
يـ أحلى وأجمل صدفة
أنا مبسوط معاكي دلوقتي
فـ ليه أفكر في بعدين
وأنا عارف ومتأكد
إننا إثنين متفارقين
عايز أفرح وأفرح قلبك
وفي النهاية نبكي بوجع
ونشوف مين حب الثاني أكثر
ومين فينأ كان جدع
ومع إن الفيلم أنا حافظه
لكن بحب أشوفه وبالتفصيل
وإيه يعني..
يموت البطل في نهايته
بس الفيلم كان كوميدي
وضحكت كثير

عنيكي وعديتني ياما

صحيح موعتنيش بـ حاجة
لكن عنيكي وعديتني ياما
إنك أصلا حبييتي
وإنك عندي أجمل حكاية
سُكوتك وعدني
حتى إبتسامتك
وكل مرة سمعتني فيها
لما كنت بقول بحبك
كل الهدايا..
وفرحتك وانتي معايا
وتنهيدتك إلي بعشقتها
بـ أحلى وأجمل حكاية
ولمعة وضحكة عنيكي
على كل كلمة بقولها ليكي
وإن قولتلك زي عادي
إني بغير جدا عليكي

كل حاجة عملتها وعد
 منك إننا بنحب بعض
 ونظرات عنيني الحلوة ليا
 كنت دايمًا بشوفها رد
 فإزاي تقولي إننا
 مـ البداية مش عُشاق
 طب كُنَّا إيه؟!
 ومنتقوليش كلمة صُحاب
 دانتي الوحيدة
 إلي مش مُمكن أغلط
 في نظرات عنيتها
 من كُتر مـ عشقتها
 وبرغم وجعي
 يـ حبيبي منك
 لسه برضوه وهتفضلي
 أكثر حاجة بحبها
 ومع إنك دلوقتي غيبتي
 ومبقتش أقولك يـ حبيبي
 وبقيت أتعامل معاكي عادي
 وكأنك فعلا صديقتي
 وهصدق إننا مش عُشاق
 وإن إحساسي كان كذب

وإن إلي مبينا كان صداقة
ومفيش أي قصة حُب
بس قوليلي؟!
ليه عنيكي بتزيد لمعتها
وبتضحك أول م تشوفني
وتنهيدتك لما بنتقابل
بسمعها بتقول إنت واحشني
ولمست إيديكي في سلامها
بتحضني مش بتسلم
خلينا أصحاب ليه لاء
وأهو عادي قلوبنا تتألم
وأدينا بنضحك ونداري
وجعنا حبييتي قدام بعض
وأنا هصدق إن مفيش
بيننا أي وعود ولا حُب

التُّقْلُ صُنْعَةٌ

مش هبطل إني أحبك
 مهما غيبتني أو بعدتي
 مش هبطل إشتياقي
 وإني أناديكي بـ حبيبتني
 مش هبطل لما أشوفك
 الاقيكي حلوة فوق الوصف
 وأبص في عنيني كالعادة
 واقرا فيهمكل حرف
 مش هبطل أحكي عنك
 ولا هبطل أحن ليكي
 وهفضل أرسم تملي صورتك
 في كل ركن جوه بيتي
 مـ انتي معايا مبتغيش
 وعلى كل ذكرى بيئنا بعيش

وهفضل أحبك طول الوقت
وعادي جدا متحبنيش
وإبعدي كالعادة وإقسي
وإعملي كل حاجة تضايقني
وأنا كالعادة هفضل أحبك
وهتفضلي ساكنة في قلبي
ومش هبطل أهتم بيكي
وأستنى أشوفك كل يوم
وبضحكتك أنسى العالم
وأشوف عيونك أحلى عيون
مش هبطل أتوجع
وبسببك برضو هأفرح
مش هبطل أغير عليكي
وعقلي فيكي يتوه ويسرح
مش هبطل أحب أشوفك
وتوحشيني..
كل مـ يطول الغياب
مش هبطل أكرهك
عشان إختارتي البعاد
مش هبطل أعشقتك
مش هبطل إشتياق
صحيح حبيبتني التُّقل صنعه
بس عندك كان غباء

عايز أشوفك

عايز أشوفك بس خايف
 الاقيكي إتغيرتي حبة
 معقول تكوني زي ما انتي
 ونتعامل زي الأحبة
 ومع إني عارف إنه صعب
 يحصل بيننا من تاني قُرب
 وإني مهما أكون في بالك
 هتعامليني معاملة جد
 وهنتعامل بكبرياء
 ومعاملة مليانة قسوة
 ولو حياتنا في البُعد نار
 هنكذب ونقول عليها جنة
 وهبان عادي ومش هيبين
 قال يعني الجرح هين
 وههرب من نظرات عنيكي
 إلي بشوفها حلوة دايمًا

وهتسكتي زي عادتك
وتستني إني ابدأ بالكلام
فأنهي المقابلة
بـ اهتمي بنفسك
وضحكة حلوة قبل السلام
ولا كأنك كنتي حبيبتني
ولا في يوم قولتي حبيبي
وبرغم وجعي ورغم وجعك
هنتعامل مع بعض عادي
معرفش ليه خايف أشوفك
وتعامليني بكبرياء
أو مشوفش في عينكي
كالعادة نظرة إشتياق
وأنا متعودتش إنك
تبقي مُملة وأنا معاكي
وبرغم خوفاي عايز أشوفك
ومش عارف أنساكي
وبتوحشيني معرفش ليه
وبشتاقلك من غير سبب
مع إني بتعب لما أشوفك
وفي غيابك يموت مـ التعب

أزعل ثانية وأشتاق ساعتين

أنا إختارتك..

وانتي حبييتي مخترتيش
تبقي معايا وفي حضني
وفي نفس الوقت مبعديتش
وكنتي قلمي بتغيبي
لكني بحس بوجودك
عشتي معايا لحظة ب لحظة
وياما سرحت في عيونك
كنت بحبك ..

حتى وانتي في عز قساوتك
كنتي تغيبي مهما تغيبي
وأفضل على طول مُشتاقلك
وانتي غريبة حبة معايا
وحبة زي النجمة بعيد
بس بحبك وهفضل أحبك

وكل يوم حُبك هيّز
كنت بحس معاك بوجعك
وأفرح وأزعل بس عشانك
كنت بحب أعرف أخبارك
واسأل داها عن أحوالك
كنت بشوفك حبة ملاك
وحبة قساوتك ملهاش وصف
كانت قساوتك ساعة تزيد
وساعة تقل وتوصل صفر
كنت بحبك تيجي تحكي لي
زي العادة كل أسرارك
كنت بحب أسمع صوتك
وكنت بحب حبيبتني حوارك
كنتي تغيبني مهما تغيبني
وفي وقت وجعك الاقيكي جنبي
وفي وقت سعادتك تبعدي تاني
وزي عادتك توجعي قلبي
كنتي غريبة لدرجة غريبة
بتحبيني ساعات وساعات

كان الفرق مييّنًا كبير
عشان حبيتك كل الأوقات
وكنت أضايق لما تغيبني
وأحلف إني مكلمكيش
وأسأل نفسي ليه وازاي
لحد دلوقتي محبتنيش
كنت أزعل منك وأضايق
وإما أشوفك مقدرش أعاتبك
أنسى وجعي قدام عنيكي
وأفرح بس علشان جنبك
وإتعودت إني أنا إليلي أسأل
وأنا إليلي أهتم حبييتي
كل حاجة بدون مقابل
حسيتها بس معاكي انتي
وبرضوه معرفتش أكرهك
برغم وجعي منك سنين
وكنت أزعل منك ثانية
وأشاقلك بعدها ساعتين

عسلك كان كله سم

هو الليل ساعته زادت
ولّا الوحدة مبتعديش الوقت
هو أنا ازاي بعدك عايش
مع إني المفروض مُت
هو أنا عايش لسه بجد
ولّا دي حلاوة روح
وازاي بني آدم بيعيش
بعد ما تطلع منه الروح
وانتي كنتي روحي وروحتي
وأنا إستسلمت إني أموت
وكأن عسلك كان كله سم
وأنا من غبائي قولت أدوق
كسرتي قلبي
إلي كنتي بتداويه

ونظرة عنيني
 لأول مرة توجعني
 انتي أول حد أنا أختاره
 وأول حد يببيني
 عايز أعرف إحساسك إيه
 وعاملة إيه دلوقتي
 بتموتي زيي بالبطيء
 ومش عارفه تعيشي بعدي
 ولأ عادية جدا
 وعايشة حالة م الامبالاه
 هو أنا برضوه مش كنت روحك
 وكنت بالنسبالك حياه
 يعني المفروض موجوعه زيي
 وحاسه الاحساس إللي أنا حاسه
 مش أنا وانتي كُنَّا حاجة واحده
 وكُنَّا أصلا الشخص نفسه
 ازاي أساسا إحنا إفترقنا
 وازاي قدرنا نموت بعض
 ده إنتحار يه حبيبتي
 مش حكاية فراق وبُعد

إفتكرنا الوقت هيسرقنا
والموضوع هيعدي بالساهل
والجرح مع الأيام هيلم
مع إنه بينزف من الداخل
مين قال إن الفراق عادي
ومحدث بي موت بعد فراق حد
من قال إن الوداع سهل
وإن كلنا فترات في حيات بعض
مين قال إن الفراق بيقوي
وبيحول الضعف لقوة
ده إحساس بيخليك عايش
من بره وميت من جوا
وبيخليك تبكي كتير
وف عزم بتبكي بتضحك
ومش عارف توصف إحساسك
ولا قادر تقيم جرحك
وانتي فراقك مش عادي
ولا حاجة بسيطة وسهلة
دانا مش عارف أوصف حالتي
من يوم ما أنا وانتي إفترقنا

مُش بعاكسك

أنا مُش بعاكسك
 كل الحكاية..
 إن جمالك يـ حبيبي زايد
 وعنيكي من جمالها بتضحك
 وبتقول كل الحقايق
 فد عادي إني أقولك يـ سُكر
 وعادي إني أقولك يـ حلوة
 مـ انتي إلي حلوة بزيادة
 وحتى صوتك يشبه لغنوة
 أنا مش بعاكسك صدقيني
 كل الحكاية..
 إني بوصف جمالك
 منا صعب أكون شايفك
 وأبقى طبيعي وعادي قدامك

انتي إالي جمالك ملوش حدود
وحاجه من الصعب تاني تحصل
وكل م الأيام تعدي
أشوف فيكي حاجة أجمل
وأنا صعب أشوف عنيني
وموصفش ي حبييتي جمالها
إالي زايد جدا عن حده
والعادي إني أضعف قدامها
دي بتضحك في كل الأوقات
ضحكة مليانة تفاؤل
وضحكتها بتضحك بزيادة
ضحكة تجنن العاقل
ف متقوليش إني بعاكس
ولا تضايقي وتزعلي
وانتي الي حلوة أساسا
فوق م تتصوري

خليكي عارفة

خليكي عارفة..

إنك مهما ضعفتي حبيتي
 هتفضلي وردة مفتحة في عنيا
 وإنك حاجة مبتتغيرش
 وعندي أساسا أغلى هدية
 خليكي عارفة إني بحبك
 وإنك حاجة قلبي بيعشها
 وإنك أكبر كدبة بيعشها
 وفي نفس الوقت مصدقها
 وإن سكوتي وصمتي معاي
 خوف من بُعدك مُش أكثر
 ولما بقول إني بحبك
 واللايكي بتضايقي من كلامي
 بضحك وأعمل نفسي بهزر

مع إني بحبك وعاشقك أنا
وفي بُعدك بتعدى الثانية سنة
وانتي دايما مش معايا
وحاجة أصلا مش مُمكنة
وخليكي عارفة..
إني بخاف جدا من بُعدك
وإني عليكي بجد بغير
وإني بخاف دايما على زعلك
وبعشق عنيكي الحلوين
وإني بشوفك أجمل واحدة
مهما بقابل وعيني تشوف
وإني بحب عتابك ليا
وكل نظرة رضا وكسوف
وإنك حاجة في حياتي دايمة
وتشبهني يـ حبيبتني للضي
وكأنك نور في عز العتمة
ومبشوفش أصلا زيك زي

خليكي عارفة إني عشقتك
وإنك مهما بعدتي أنا فاكرك
وإني بعيش معاكي حالاتك
وبفرح معاكي وبزعل لزعلك
وإنك ضحكة أنا بضحكها
وإنك كل ساعات الصمت
وإني بحبك حُب حقيقي
حُب محبوبش حد لحد
وإن عنيني هيّا مدينتي
وإن سُكاتك وجعي حبييتي
وإنك جنة هموت وأدخلها
أو الجنة أساسا تشبهك انتي

لو سألوكمي

لو سألوكمي إبقى إحكيلهم
من غير خوف إني عاشقك
ده الحُب عُمره م كان ضعف
ف إحكيلهم كل إالي في قلبك
وإحكيلهم كل التفاصيل
إني حبيبك وإننا عُشاق
وإنك أقرب واحدة لقلبي
وبحبك من غير أسباب
وقوليلهم إنك في عيوني حلوة
وإنك شيء في حياتي مُهم
وإنك أجمل حاجة حصلتلي
وهفضل أحبك لأخر العُمر
لو سألوكمي إبقى إحكيلهم
إني بحبك من غير خوف

وإنك غيرتي عشاني
تسريحة شعرك ولون الروج
وإنك غيرتي كمان
طريقة لبسك والساعة
وإني إتغيرت عشانك
ومبقتش بشيل ولاعة
ومبقتش أرجع متأخر
وعشان زعلك مبقتش أسهر
مع إني بحب الليل جدا
لكن حبيتك انتي أكثر
وإبقي إحكيلهم أنا أبقي إيه
يـ حبييتي بالنسبالك
وقوليلهم إنك تؤام روحي
وإننا عايش بس عشانك
وإنك في الوريد ساكنة
والبُعد عنك إنتحار
وإنك أحلى مـ في الأيام
وأجمل قصة حُبك غرام

هتتعود

قولتلي يومها هتتعود
على فراقي وهتعيش عادي
لا إنْت أول ولا آخر
حبيب يفارق في الدنيا دي
قولتلي يومها معلش
وأنا بجد متأسفة
وأنا هكمل عادي معاك
بس شوفلي أي صفة
مش لازم يعني نبقى حبايب
صدقني هيبقى شيء صعب
ومحدث بيموت يعني
من الوجد بعد فراق حد
إنْت بجد مُهم في حياتي
بس صعب تكون حبيبي

سبني أختار المرة دي
 وأهو يبقى أنا ونصبي
 وغيبتي وإختارتي البعاد
 وبقي كل واحد فينا في وادي
 وكل واحد كان وجعه
 على قد حُبّه للثاني
 وأديني متعودتش حببيتي
 ويوم عن يوم وجعي بزيد
 هو انتي ليه إختارتي البُعد
 هو إحنا ليه عن بعض بعيد
 وازاي بتقولي هتتعود
 وانتي أساسا متعودتيش
 ومفيش ليلة مبتحسش بوجع
 ومفيش ليلة فيها مبتبكيش
 بس عارفك بتداري الوجد
 ودايما بتيجي على نفسك
 علشان تباني إنك قوية
 على أكثر واحد حبك
 وفكراني مش هاخذ بالي
 يد حببيتي زي العادة
 وأعرف من أول نظرة
 إن ضحكك كدابة

عرفتي إني متعودتش
زي ما انتي متعودتيش
ولا أنا عارف أبطل أحبك
ولا انتي عارفة متحبنيش
قدرتي تفهمي دلوقتي
إن محدش زيي حَبك
إبتديتي تحسي بالوحدة
وإبتديتي تعرفي ذنبك
عرفتي إنك إختارتي واحد
مش عارف أصلا يحبك
وإن وجودك في حياته روتين
وطول الوقت بيجاملك
عرفتي إنه مُش بفهمك
مهما قولتي أو عملتي
ومش بيفرق عنده خالص
لو فرحتي أو زعلتي
عرفتي إنك في حياته حاجة
كان لازم يعملها عشان مضطر
وإن فيه حاجات تانية خالص
عنده منك انتي أهم
عرفتي إنه مبيعرفش يحب
وازا يهيب واحدة في قساوتك

عارفه إنكوا لايقين على بعض
وإنه فعلا يد حبيبتى شبهك
واحد مش فارق معاه
ويقبل بأي حاجة
وواحدة مبتعرفش تميز
وعايشة حياتها بكل سذاجة
عرفتني إنه غيري خالص
في كل حاجة حتى المعاملة
دانتي حتى إختارني واحد
مفيش بيني وبينه مقارنة

شوفلي حل

شوفلي حل وياكي
عيونك أنا بعشقها
يا أجمل حاجة في حياتي
وأكثر واحدة بصدقها
شوفلي حل أنا عشقتك
وحييت وجودي معاكي
وانتي أكثر واحدة بتوحشني
ومش بعرف أنساكي
قد إيه انتي بريئة
قد إيه مليانة طيبة
قد إيه بعشق عنيكي
وبحبك بطريقة غريبة
شوفيلي حل وياكي

وقوليلى ازاي أبطل أشتاق
 دأنا عشقتك يد حبيبتى
 من قبل مـ نبقى إثنين عُشاق
 شوفلى حل فى حلاوتك
 إلى عمالة تزيد
 وبلاش تبقي دايما معايا
 حتى وانتي عنى بعيد
 وشوفلى حل فى جمال عنىكى
 وكلامك وطيبة قلبك
 وفى قلقي وفى غيرتى علىكى
 من كتر مـ قلبى حبك
 وشوفلى حل ويا الضحكة
 إلى جمالها ملوش نهاية
 ومن السعادة اللى بعيشها
 لما بتبقي جنبى ومعايا
 عشقتك فىكى كل الحاجات
 فوحياة عنىكى شوفلى حل
 دانتي الجميلة العقلة
 وأنا اللى من جمالك مُختل

محدثش هيحبك زيي

محدثش هيحبك زيي
ولا هيشوفك زي منّا بشوفك
بحبك مش عارف ليه
وبعشق فيكي حتى كسوفك
بحس إنك مُختلفة
عن كل العالم والناس
دانتي الي عنكي خطفيتني
ي بنت ومليانة إحساس
بحبك حُب مش عادي
ومش هحب غيرك انتي
ولا هعرف أعشق بعدك
ولا أقول لغيرك ي حبييتي
بحس إنك بنوتي
بحب شقاوتك وجنانك
بحب أشوفك فرحانة
وبفرح أصلا علشانك

بحبك وانتي بتحكيالي
 على كل اللي ف قلبك
 وكأني حد مُميز
 وفرحانة بوجوده جنبك
 بحبك بمليون طريقة
 وقد حُبي لكل الحاجات
 انتي مش حاجة عادية
 انتي غير كل البنات
 انتي حاجة نسيته صمتي
 وختنتي أنسى وحدتي
 وبقيتي إختصار لكل حاجة
 يد حبيتي في دنيتي
 انتي حاجة حلوة خالص
 والشرح في جمالك يطول
 وصفك أصلا ميتوصفش
 غير بكلمة مش معقول
 محدش هيجبك زي
 ولا هيشوفك بنفس النظرة
 دانتي بتحلوي في عيني
 أضعاف أضعاف م إنتي حلوة

تفاصيلك تجنن

ليه قلبك رافض يشوفني
مع إن قلبي شايفك أوي
ليه بتهرني بالشكل ده
ولأبعد مكان بتوصلي
ليه حبيبي مـ انتي عارفة
وأنا كام مرة حكيتلك
إنك شيء مُهم جداً
وقد إيه أنا قلبي حبك
وازاي أنا أقرب حد ليكي
وبتقدرني توجعيني
وبرغم إني بعشقتك
رافضة إنك تعشقيني
ليه كل حاجة بتحببها
لما أعملها مبتفرحكيش

وبرغم إني بعشقتك
لسه برضوه مبتحبنيش
ليه حبييتي بتهربي
وشايفة هُروبك هو الحل
دأنا أكثر واحد حبييتك
وإختارتك من بين الكل
ليه بعيدة بالشكل ده
أنا مش عارف أعشق غيرك
وكل حاجة بشوفها فيكي
وبعشق كل تفاصيلك
وبحبك بطريقة غريبة
وبعشقتك حبييتي بجنون
وبتسرقيني من كل العالم
وبتسرقي من عيني النوم
وبسهر في بُعدك وأفكر
وأعيد وأزيد في كام ذكرى
ويوجعني سُكاتك كالعادة
وأفرح عشان هشوفك بكرة

بحبك مش عارف ليه
مع إنك رافضة تحبيني
م تخليني يـ حبيبتى أكرهك
وعلى بُعدك عوديني
أنا مش عارف أبطل أحبك
ولا قدرة تشوف غيرك عيني
دانتي بالنسبالي حياه
وبشوف فيكي كل سنيني
حبيت فيكى مليون حاجة
ومليون حاجة عشقتها
دي كل تفاصيلك تجنن
وقلبي أصلا حبها
دي حتى قساوتك بعشقتها
وبقيت متعود خلاص عليها
يـ واحدة بتقسى بكل أفعالها
وبتصالحني بنظرة من عنينا

طفل نايم جوه حُضنك

بتنهد في غيابك
 مية تنهيدة وتنهيدة
 يـ وجع قلبي في بعادك
 وحيرتي وانتي عني بعيدة
 بتوجعيني الف مرة
 وأول مأشوفك أبتسم
 وأنسى قساوتك وعنادك
 يـ اللي حياتي من غيرك عدم
 بتنهد في غيابك
 وبعمل مليون خناقة
 يـ اللي غيابك بيوجعني
 ووجودك بيحقلني سعادة
 معيشتهاش من قبل منك
 ولا كنت أحلم إني أعيشها
 دانتي جنة يـ حبيبتي

وحد يشوف الجنة ويسيبها
وببقى طائر م السعادة
طول م أنا جنب منك
كأني طير في سابع سما
أو طفل نايم جوه حُضنك
بقيتي شيء بيغير يومي
من حالة لحالة حبيبتي
وبقيت بزعل وأضايق
وأفرح بسببك انتي
بقيتي في حياتي روتين
بقيتي حاجة أنا بدمنها
ومعالي بحس بالونس
كأنك مدينة بسُكانها

عائش على ذكرايتها

عارفه إنك..

لسه عائش على ذكريتها

وإنك مُهتم جدا..

بكل تفاصيل حياتها

وإني بالنسبالك عادي

وإنك بتعاملني كويس

على أساس إن بينا عشرة

وبتقول ديام ولادي

وإنك مبتنسهاش

وبتبقى معايا وفيها تسرح

بس إالي بخليني ساكتة

إني لسه يد حبيبي بلقى

جوه حُضنك ليا مطرح

وإنك برغم كل الوجع

بتحاول برضوه متجرحنيش

وإني عمري مـ حسيت في يوم
 إنك أصلا مبتحبنيش
 ازاي بتقدر يـ حبيبي تـكون
 معايا ومعاها في نفس الوقت
 ازاي بتعشقها هيّا
 وختلتي أحبك لأبعد حد
 للدرجة دي كانت غيبة
 علشان تخسر واحد زيك
 ولأ ده من حُسن حظي
 علشان أبقى تملي جنبك
 قولي ازاي قدرت تعشق
 حاجة لدرجة متتنسّيش
 وازاي لطيف وحلو جدا
 معايا عشان متجرحنيش
 قولي ازاي بتقولي حبيبي
 بطريقة بقدر أصدقها
 وأنا عارف إن في عاقلك واحدة
 وقلبك أصلا بعشقها
 وقولي ازاي بكل سهولة
 في حضني لطفل بتتحول
 وبقي معاك أسعد واحدة
 برغم إني مش الحُب الأول

عُمر الشريف

إعشقينى يـ حبيبتى أنا
دأنا أكثر واحد بيعشقتك
و محدش هيحبك زيي
ولا حد هيعشق ضحكك
إعشقينى لو ثواني
إعشقينى لو دقائق
خلينى أفرح ليلة واحدة
وأبقى فيها مبسوط ورايق
دأنا بقيت بشوفك في كل حاجة
وكل حاجة بشوفها فيكي
وقلبي إالي طول عُمره خالي
بقى مشغول بجمال عنيني
أنا عارف إني مليون عيوب
وفي نظرك مش اللي هوا

بس أعمل إيه بحبك
وحُبي ليكي بيديني قوة
شوفيلي حل في عنادك
أنا حبيتك بشكل مُخيف
دي ياما بنات قبلك حبتني
وعاملتهم بشكل سخيّف
وكنت أنا إالي بحدد العلاقة
وإمتى الكلام بينّا يبدأ
وياما عملت موبايلي سيلنت
ودخلت أسانسِر وعَلق
إتعاملت أحسن مُعاملة
وكنت أزعل فجأة وأقول مفيش
وكنت تقيل جدا معاهم
وكأني عُمر الشريف
وجيت عندك وحببتك انتي
وانتي الي متحبنيش
إشمعنا انتي قولتي لاء
دأنا الي البنات مبتعجبنيش

قوليلي طيب كلمة بحبك
لو حتى على سبيل الهزار
محتاج أسمعها منك
هموت خلاص مـ الانتظار
ومتعشقيش حد تاني
ولا تفتحي لحد قلبك
يـ إلي حُضنك عنواني
وسعادي بشوقها جنبك
ومتضحكيش لحد غيري
ولا تقبلي من حد هدايا
دأنا أكثر واحد بيحبك
ودايما بتبقي معايا
بتبقي معايا في وحدتي
وفي كل ليلة سهرتها
ومعاكي انتي عرفت أحب
كل حاجة كرهتها
وخلتيني أكسر روتيني
وبساطة وسهولة أحبك

وبعد م كنت بحب الوحدة
خلتيني عشقت قُربك
وخلتيني أنسى الغرور
وكبريائي بسببك نسيته
وإتلكك قلبي وفتحلك
كل بيانته وشبايكة

بحب رسمك

بحب أشوفك بترسمي
وتلويني كل الحاجات
بحب رسمك تتصوري
ف ارسمي في كل الأوقات
إرسمي قلوب كتير
إرسمي نجوم في سما
إرسمي كل الحاجات
وإرسميني حبيبتى أنا
وإرسمي صورة ليكى
صورة فيها ضحكتك
ولو مش حافظة ملامحك
إبقي إسأليني وأنا أوصفك
ومتستغربيش إنى حافظ ملامحك
ومتسألش يـ حبيبتى ليه

أصل إلي بيحب حاجة
بتحفظ ملامحها عنيه
وإرسمي عروسة حلوة
تبقى شبهك وأنا جنب منها
من فرحتها بتضحك عيونها
ومن جمالها بضحك عشانها
وإرسمي يجي الف حاجة
تقربنا وتجمع مبيتنا
وأنا أوعدك إني أكتب عشانك
الف حرف والف كلمة
بحب رسمك إكمني عاشقك
وبحب أصلا كل حاجة بتعملها
وكان رسمك ده حاجة فيكي
مش حاجة بتحبيها
يشبه لاسمك..
ويشبه لصوتك
ويشبه لكل حاجة فيكي
وأنا بعشقه إكمني عاشقك
زي مانا بعشق عنيك

معقول أفارقك

هو أنا معقول أفارقك
أو على بُعدك حتى أقدر
دأنا عندي روجي تفارقني
عن فراقك هيبقى أسهل
هو أنا معقول أبعد عنك
دأنا كل يوم بحبك أكثر
وكل يوم بشوفك حلوة
وأحلى كمان من السكر
تشبهي حبيبتى للشيكولاته
اللي كل يوم بدمنها أكثر
جمالك أصلا ملوش نهاية
وكل يوم بتبقي أجمل
تشبهي لفنجان قهوة
مضبوطة بتظبط يومي
لو غيبتى عني أنا بتلخبط

ومن جمالك بتمنى تدومي
تشبهي لكل الحاجات
اللي مبتتوصفش بكلمة
بسيطة حتى في بساطك
وحلوة جدا في المعاملة
تشبهي لضحكة طفلة
ضحكتها في عز البكاء
تشبهي للحظة لُقى
بعد كام سنة فراق
تشبهي لساعة هدوء
في يوم كامل كله دوشة
تشبهي لمقطع موسيقى
و بورتريه مرسوم فيه وردة
تشبهي حبيبتى للفراشة
في جمالها وفي حنانها
حلوة في كل الأوقات
وبتحلي الكون ب ألوانها

تشبهي للدوشة جدا
والهدوء والأمان
تشبهي لقلب طفلة
بيدق بس بحنان
ولشيء مُخيف
ولشيء حنون
ولكل لحظات السعادة
ولكل لحظات الجنون
وانتي اللي بعشق عيونها
وبشوفها دائما أجمل عيون
وانتي الوحيدة اللي بتاخديني
ومعاكى بنسى أنا من أكون

إتعودت أبص لفوق

مىة وجمع معاكي بحسّه
وبسببك بتطلع مليون تنهيدة
بحبك فوق الحُب نفسه
وانتي لسه عني بعيدة
بسببك بحس بحاجات والعكس
وحبيت حاجات وكرهتها
يد حاجة قادرة إنها توجعني
وقلبي بيفرح لو شوفتها
بسببك أنا بزعل خالص
وبسببك أنا بفرح ياما
أنا عاشق متلخبط جدا
وحكايتي معاكي حكاية
بحسك جنبي ومش جنبي
وأنا كُلي فضول أدخل قلبك

وحيرتك حاجة بتوجع قلبي
 اللي كرهك من كُتر م حبك
 بحس إنك شبيهي ساعات
 وإننا واحد مُش إثنين
 وساعات بحس إني مُش فاهمك
 من كُتر م إحنا مُختلفين
 بحسك مجنونة وعاقلة
 وكأني بتعامل مع شخصين
 بحس معاكي بقوة وضعف
 أو إحساس بين البنين
 بحسك ساعات شبه الملايكه
 وساعات شبه البني آدمين
 وكأنك مية شخصية
 ومش عارف أعشق فيهم مين
 وبحس معاكي إننا عايش
 وإني أكثر واحد بيموت
 وببقى أكثر واحد زعلان
 وأكثر واحد مبسوط

بحس معايي بـ ساعة فرح
وأرجع أزعل في نفس الوقت
وساعة غزل وإثنين عتاب
وساعة هزار وإثنين جد
وساعة بـ حُب وحنين
وساعة كُره وإثنين لهفة
وساعة عاقل وإثنين مجنون
وساعة هدوء وإثنين دوشة
وساعة بحس بـ خوف
وساعة حيرة وإثنين شوق
زي القمر دايمًا جميلة
وأنا إتعودت أبص لفوق

هو انتي ليه

هو أنا ليه حبيتك كده
 هو انتي ازاي قدرتي تكوني
 حاجة بتقدر تنسيني وجعي
 ومشاكلتي وكل همومي
 هو انتي ازاي خلّيتني أحبك
 وبكل بساطة أعشق قربك
 دأنا يومي بيبدأ مع يومك
 وحياتي بتحلّي وأنا جنبك
 هو انتي ليه بتوحشيني
 أول ما تغيبني عن عيني
 وطول الوقت فيكي سارح
 ومن كل العالم بتاخدينني
 هو انتي ازاي مبتغيبش
 عن بالي ومبتتنسّيش

وطول الوقت بتبقي معايا
وغيرك انتي أصلا مليش
هو انتي ليه على طول حلوة
وعينيكي بتضحك وبتلمع
وبشوفك دايما بتلخبط
وببقى مش عارف أجمع
وبيبان عليا إني عاشق
مع إني بحاول أداري
هو أنا ليه بضعف كده
لما بشوفك قدامي
هو أنا ليه بنسى العالم
ولما بشوفك بفرح جدا
وكأنك حاجة إتمنيتها
وفجأة لاقيتها بتحصل
وكأنك ضحكة طالعة بوجع
أو وجع بيتحول ضحكة
وهدف في الدقيقة تسعين
بعد م ضاعت مية فرصة
وكأنك تنهيدة بتطلع
أول م بفرح وأزعل
وكأنك الشيء الصعب
إللي فجأة إتحول مُمكن

أنا الأكثر

أنا أكثر واحد فاهمك
 علشان حبيتك وعشقتك
 وبقيت يد حبيبتى أعرف مالك
 وأحس بهمومك ومشاكلك
 أنا أكثر واحد عليكي بيغير
 وبيعشق عنيكى الحلوين
 وأكثر واحد عليكي بيخاف
 من كل البنى آدمين
 أنا أكثر واحد مُشتاق
 إنك تدخلى قلبى فى يوم
 وإنك تبقي سبب وجعى
 وتسرقينى من عز النوم
 أنا أكثر واحد راضى
 بـ أي حاجة ترضيكى
 وبضحكتك يداوى وجعه
 ومن كل العالم يحميكى

أنا أكثر واحد شايفك حلوة
وانتى أكثر واحدة عجباني
يد أجمل واحدة عيني شافتها
ودايما الأحلى بالنسبالي
أنا أكثر واحد بيحس بوحدة
في غيابك عني وف بعادك
وبتعذب لما تكوني غايبة
وبزعل وأفرح علشانك
أنا أكثر واحد حبيتك
وأكثر واحد بشتاقلك
وكأني مخلوق في الدنيا
علشان بس أحبك
أنا أكثر واحد انتي في قلبه
و أكثر واحد فيكي بفكر
يد ساكنة في قلبي وف عقلي
وفي كل حاجة أنا الأكثر

إزاي

عنيكى حلوة ازاي كده
 وازاي بتقدر تداري الكلام
 وازاي بضحكة بتقدري
 تنسيني كل شيء أوام
 وازاي قدرتي تخطفيني
 من دنيتي لدنيتك
 وأول ما شوفتك إتلخبطت
 وحببت عنيكي وضحكك
 دأنا كنت بقدر أبان طبيعي
 وعادي قدام أي واحدة
 الا انتى وازاي قدرتي
 تخطفيني لدنيا أحلى
 وازاي نستيني الكبرياء
 والاكتاب والزعل

وحُبي الدائم للوحدة
وإن مفيش في حياتي أمل
وازاي خلتييني بسهولة أنسى
ماضي وحاضر ومستقبل
ومشوفش غيرك في الوجود
وبوجودك في حياتي أقبل
وازاي خلتييني أعشق وجودك
وأحب القرب منك أكثر
وتبقي معايا وقدام عيني
وف نفس الوقت فيكي بفكر
وازاي كسرتي كل القواعد
اللي مشيت سنين عليها
وانتي الوحيدة..
اللي مقدرتش أهرب
منها ولا من جمال عنيها

مئة قصيدة

كُتبت عشانك مئة قصيدة
وصفتك يجي بـ الف وصف
بقيتي مُلهمتي الوحيدة
وبقيت عايش عشانك بس
عشقتك بمليون طريقة
عشقتك لدرجة الجنون
وغيابك بقى حاجة صعبة
وحببت وجودك كل يوم
وبقيتي غير أي واحدة
في الدنيا عيني شافتها
دانتي حاجة من غير سبب
دخلت قلبي وحببتها
وانتي عارفة إني عاشقك
وإن كل كلامي ليكي

ولسه مني بتهري
وبتوجعيني بنظرات عنيكي
إلي مشوفتش في جمالها
وعشقتها من غير ما أفكر
ف وحيات عنيكي شوفلي حل
أنا علي بُعدك مبقتش بقدر
ده أي واحدة في الدنيا دي
بتتمنى يبقى حبيبها شاعر
علشان تقرا في قصايد
وتفرح إن الكلام عشانها
إشمعنا انتي..

اللي مش بتحبي كده
هو انتي مش زي البنات
اللي كنت دايمًا بشوف
جوه عيونهم نظرة رضا
أه صحيح في إختلاف

وأنا بعترف
دانتي الوحيدة
اللي قدام عنيكي
العشق كان مُختلف
وأنا من بين كل البنات
إختارتك انتي
ومن غباي..
إخترت واحدة
بتقرا كلامي وتشوفه عادي
وعارفة إن الكلام عشانها
وبكل بساطة بتصدني
دأنا لو بكتب كلامي لحجر
يد حبيبتني كان حبني

مئة يممين

كأنك حالفه مئة يممين
تداري الوجع جواي
وتضحكي كالعادة
ضحكة بتنسيني حياتي
وكأنك حالفه لمزعلش
وتشوفي عيوني زعلانة
وبتداري دموعك وبتخييها
وخايفة لتنزل على خوانة
للدرجة دي بتخافي على زعلي
ومش عايزة تشوفيني زعلان
للدرجة دي بتحبيني
وأنا عندك أغلى إنسان
دي حتى عنيكي بتخبي
وتداري جواها مئة حاجة

إمال أنا ليه بحكيلك
وبتبقى عشاني زعلانة
إحكي لي حبييتي ومتخبيش
كل اللي في قلبك من غير خوف
دأنا أقرب واحد ليكي
ومفيش بينا أي كسوف
إحكي حبييتي اللي في قلبك
أنا برضوه كمان زيك جدع
وزي مـ بنتقاسم في الفرحة
تعالى نقسم بينا الوجع

ضحكت للكل

من أول لحظة في حياتي
وهيا مش حابة وجودي
طبعها غريب الدنيا دي
مع إني مبتعداش لحدودي
من أول لحظة ف حياتي
وهيا غريبة معايا جدا
وأنا أبسط واحد فيها
ومش محتاج حاجة أصلا
ودايمًا مُملة وكئيبة
ومعايا بجد عنيدة
تشبه لحبيبتى ساعات
لما تغيب وتبقى بعيدة
نفس جنانها وقساوتها
ونفس الزعل والتكشيرة
بتقفلي دايمًا عَ الوحدة
وكأني عامل مُصيبة
تشبه فعلا لحبيبتى

لما مبعرفش أرضيها
 وكل م تعند أعشقها
 وأحب كل م فيها
 تشبه لحبيبتى إما بتقى
 وإما بتنساني وتبعد أكثر
 ولضحكتها الكدابة
 وإهتمامها بالمظهر
 وإهتمامها بالشكل المضمون
 وبأي Quality بترضى
 واحدة متزوقة من بره
 لكن من جوه فاضية
 بتعشقى وتحب على كيفها
 وأي دخان بيكيفها
 ملهاش عزيز ولا صاحب
 ولا حد بيقدر يوصفها
 تشبه لحبيبتى جدا
 أول م أحب أحضنها
 الاقيها تزعل وتكشر
 وتقفل في وشي بيبانها
 من يومي مش حابه وجودي
 وعمايزاني أزهب منها وأمل
 ورافضة تضحكي ضحكة
 مع إنها ضحكت للكل

ضعفي في حُبك

ضعفي في حُبك قواكي
وبقيتي بتقدري تنسيني
وعشان حبيتك من قلبي
مش عايزة انتي تحبينني
وبتبعدي يوم عن يوم
وعارفة إني هرجع اسأل
منا مقدرش أبعد عنك
وكل ما تغيبني بحبك أكثر
وأرجع من تاني أهتم
وأبقى معاكي من تاني
وكان العالم مفيهوش حد
غيرك انتي بيحلالي
ضعفي في حُبك قواكي
وبقيتي حتى بتعرفني تقسي
على أكثر واحد حبك

وقالك كلمة يـ حبيبي
 وعلى أكثر واحد داوى وجعك
 وأكثر واحد حَب عيونك
 وأكثر واحد شافك حلوة
 وكان بيعشق حتى عيوبك
 وأكثر واحد كان بيحافظ
 عليكي ويشيلك في عيونه
 وكان المصدر لسعادتك
 وكنتي المصدر لهمومه
 وأكثر واحد كان عاشقك
 وأكثر واحد كان دايب
 وكان بيشفوك
 حتى في غيابك
 وفي وجوده..
 كنتي بتشوفيه غايب
 وأكثر واحد كان بيشتاقلك
 لو غيبي عنه ثانية
 وكنتي عنده إنتي في كفة
 والعالم في الكفة الثانية

وأكثر واحد كان بيداوي
روحك ووينسى روحه
وبضحكة منك قلبه بيضحك
وبسرعة بتلم جروحه
ضعفي في حُبك خلاني ضعيف
وشخص مُخيف مليون قسوة
ومع إني غيرتك للأحسن
غيرتيني إنتي للأسوء
بقيت أضعف مخلوق عَ الأرض
من يوم م حبيتك وعشقتك
وبرغم إنك عني بعيدة
مش عارف أبطل أحبك

ضحكة مش هيا

بتضحك ضحكة مش هيا
 ومش عجباني ضحكاتها
 بتضحك والدموع في عنينا
 وبتخبي في دمعتها
 أكيد في حاجة جرحها
 ومش عارفة تنساها
 أكيد جاية تحكيالي
 بس خوفها مسكتها
 عارفك حبيبتني موجوعة
 بس خايفة تحكيالي
 خايفة أفرح بوجعك
 عشان إخترتي غيري
 عارف إنك بتخبي
 وبتحاولي تكُوني
 قدامي قوية

وانتي أضعف
مخلوقة إتخلقت
لكن يـ حبييتي عندية
عارف إن سُكوتك وجع
منا لسه بحسك كالعادة
ومهما تداري وتخبي
عارف إنك كدابة
منا فاهمك وعارف أفكارك
وبحس بحيرتك وبقلقك
بتخبي عليا خوف مني
ولأ علشان عارفة إني بحبك
إحكي لي حبييتي من غير خوف
من هو هو نفس الشخص
اللي كنتي بتحكي له تملي
مشاكلك وهمومك بالحرف
وكان بيقدر ينسيكي جراحك
ويداوي فيكي مية وجع
ويفرح قلبك كالعادة
وفي النهاية قلبه يتوجع
إحكي لي حبييتي ومنتخبش
وبلاش الضحك المصطنع
دأنا عُمرِي مـ هفرح بوجعك
ده حبييك لسه برضوه جدع

هبطل أكتبك شعر

هبطل أكتبك شعر
 هبطل أحكيك حكياتي
 هبطل التفكر فيكي
 والسهر معاكي ليلاتي
 هبطل أعشقك بجنون
 وأحبك حُب مش عادي
 هبطل أشتاقلك زي الأول
 وأقولك بستمرة وحشاني
 هبطل أسرح في جمالك
 وأتمنى نظرة من عنيكي
 هبطل أعشق كل الحاجات
 إلي بتفكرني بيكي
 هبطل أسمع فيروز وعمرو
 وأغنية إلا إنت

هبطل إشتياقي ليكي
والسهر للساعة ستة
هبطل أناديكي بـ حبييتي
وأحب أسمع بصوتك إسمي
مع إني بحبك لسه
وبحكك أكثر من نفسي
هبطل أغير عليكي
وأعشق تفاصيل عنيكي
وهشغل نفسي بمليون حاجة
علشان بسهولة أنساكي
هبطل أقول إني عاشقك
وأقول للناس دي حبييتي
هحب كل بنات العالم
وهبطل أحبك انتي

هيا جت عليكي يعني

هيا جت عليكي يعني
 م الكل زيك حبييتي باعني
 بس انتي كُنتي مُختلفة
 دانتي اللي كنتي بتداوي وجعي
 وفي النهاية طلعتي زيهم
 وبتشبههم في كل حاجة
 انتي أول واحدة أصدقها
 وأكثر واحدة كدابة
 وبرغم وجعي لسه بحبك
 وبشتاقلك طول الوقت
 وبنسى ساعات وجعي منك
 وبشوفك حلوة لأبعد حد
 مش عارف أكرهك تتصوري
 وبحبك لسه من غبائي
 ولما أشوفك أبان عادي

وأخاف جدا على كبريائي
وأسلم من بعيد لبعيد
وأعمل إني مش مُهتم
ولا فارق معايا وجودك
وأنا أكثر واحد يهّمه الأمر
وأتعامل معاكي ببرود
وأحاول إني أبقى سخيّف
وأنسى كل الاشتياق
وأتحول لشخص مُخيّف
وأحس بـ إحساس مش مفهوم
كأنك ظالمة وأنا المظلوم
يد وجع في القلب ساكن
وضحكة مليانة هموم
وأحس إن حُبي ليكي
إتحول فجأة لكُره
أحس بحاجة ومن وجعي
أخليها تبان العكس
كل ده علشان عشقتك
وانتي بعيتيني ببساطة
وبكل سهولة يد حبييتي
قدرتي تنهي بينّا العلاقة

أعذارك كلها تفاهات

عشمي كان أكبر من عُذرك
 أعذارك كلها تفاهات
 انتي لو عايضة تهتمي تهتمي
 لكنك بحالات وحالات
 فمتخليش أعذار حبيبتي
 عشان نوصل للفراق
 لو عايضة تبعدي عني
 إبعدي من غير أسباب
 وأنا مش هزعل لا بالعكس
 هفتحك بإيدي الباب
 وهودعك للمرة الأخيرة
 ومش عايز حتى نبقي أصحاب
 ولا عشرة ولا كُنا وكان
 ولا عايز أشوفك في مكان

وإن شوفتيني مرة صدفة
 إتعاملي معايا كأني خيال
 وخدي كل هداياكي معاكي
 بدل يـ حبيبتني مـ أحرقها
 وخدي صورتك من أوضتي
 ممكن حبيب تاني يحتاجها
 وخدي كل الذكريات
 وإنسي كل اللي مبيئنا
 وإحذفي كل الرسايل
 وإنسي إننا في يوم إتقابلنا
 المرة دي مش هتعايل
 وأعمل زي كل مرة
 ولا هضعف قدامك كالعادة
 وأبينلك إنك مُهمة
 وامتقوليش ليه إفترقنا
 ولا مين فينا اللي باع
 ولا مين حب للنهاية
 ومين بسهولة قال وداع

ومتحكيش لحد كلمة
وتقولي مين فين جرح مين
قولي كل شيء نصيب
وخلينا للنهاية حلوين
ومتزعليش دقيقة واحدة
أصلي مش هزعل عليكي
وإضحكي وداري وجعك
وإوعي تبكي في يوم عنيكي
ليه تزعلي وتضايقي نفسك
وأقول سابتنى وتقولي سابنى
دأنا متعود بسهولة أبيع
يد حبيبتى كل اللي باعنى

عادي جدا

عادي جدا إني أحبك
وإنك أصلا متجنينش
كل واحد حُر في مشاعره
وإحساسه مبينتهيش
عادي إنك تبقي حاجة
ساكنة طول الوقت فيا
وتبقي عارفة إني عاشقك
ونتعامل معاملة عادية
أقول عليكِ إنك صديقتي
وإنك جدعة وزِي أختي
ويبقى بينا الف حاجة
بس برضوه مش حبييتي
وعادي جدا لما تبقي
معايا ومش معايا

وبرغم بُعدك عني عايش
معاكي انتي أجمل حكاية
وعادي جدا إني أشوفك
في كل حاجة بشوفها
وإن كل لحظة فرح
بسببك إنتي أعيشها
وعادي إني أداوي وجعك
وانتي توجعي قلبي سنين
يا أجمل حاجة أنا شوفتها
يا أحلى من كل البني آدمين
يا أحلى نجمة في سمايا
ودايما تخف عيني لفوق
يـ وردة واللي بيحب الورد
يتحمل عشانه أي شوك

أحلى من الكل

كل حاجة فيا
بتقول إني بحبك
دأنا قلبي بيرقص مـ الفرحة
وأنا جنب منك
ولهفتي يـ حبيبتى عليكي
أول مـ تبعدى وتغيبي
بتبين إنك مُهمة
وقد إيه بتوحشيني
حبيتك بسهولة أنا
وبكل بساطة دخلتي قلبي
وعشقت عنىكي الحلوين
ومبقتش قادر أخبي
دأنا أول مرة بحد أتعلق
وأعرف أشتاق وأغير

وأحب وجودك وكأني طفل
 وإتعلق بـ حاجة بشكل كبير
 وأول مرة أسرح وأفكر
 وأهتم بتفاصيل حد
 يـ حاجة قدرت تسحرني
 و قدرت تغيرني بجد
 من واحد بيحب الوحدة
 لواحد بقى عاشق واحدة
 شاف فيها مليون حاجة
 بتبين إنها أحلى..
 من كل العالم والخلق
 وبالنسبالي أجمل صدفة
 واحدة عيونها مبتكدهش
 وأجمل حاجة قلبي شافها
 واحدة قدرت تخطفني
 وبحس معاها بـ سعادة
 وبشوفها بنسى همومي
 وأنسى يجي مليون حاجة
 واحدة حكايتها حكاية
 جميلة ومليانة حياه

جمالها زايد عن حده
ومُلفت جدا للانتباه
واحدہ مُختلفة بجد
وحبيتها من غير أسباب
واضحة زي الشمس
وقلبها يشبه لكتاب
جواها طفلة مبتكرش
وفي حنانها تشبه للأم
واحدہ لما بتتقارن
بتبقى أحلى من الكل

كل حاجة وعكسها

من كُتر برودك بقيت بارد
 وأول مـ أشوفك مـ أتهزش
 بقيت بشوفك واحدة عادية
 وأعمل مش واخد بالي وأطنش
 مبقتش بحبك زي الأول
 ولا عايزك حتى تحبيني
 ولا عايز أسمع صوتك تاني
 ولا عنيكي تيجي في عيني
 من كُتر برودك يـ حبيبي
 مبقتش عايز أسمع إسمك
 ولا أشوفك مرة ولو صدفة
 ولا حتى عايز أفتكرك
 يـ أجمل واحدة أنانية
 وأحلى واحدة كدابة

وكل ما أقول إني بحبك
بتبقي باردة وبزيادة
يد أكثر واحدة وجعتني
وأكثر واحدة عشقتها
يد أجمل حاجة حصلتلي
وأسوء حاجة قابلتها
يد أكثر واحدة حبيتها
ومن حُبي ليها كرهتها
يد كل حاجة في حياتي
حلوة وكمان عكسها

مهما كانت الظروف

لسه بحبك برغم البُعد
 وبرغم صمتك المُستمر
 لسه على بالي صورتك
 يـ حبييتي من بين الكُل
 لسه بشوفك أجمل واحدة
 وأحلى من كل اللي ف سنك
 لسه حياتي حلوة عشانك
 ومفيش حد أجمل منك
 لسهبحك مهما عملتي
 ومهما زيدتي في قساوتك
 ومهما عن عيني غييتي
 هفضل أحبك وأشتاقلك
 برغم إنك مزاجية
 يوم معايا ويوم بعيد
 يوم بتحلي يومي
 ويوم سايبة قلبي وحيد

الغريبة إني لسه بحبك
وكل من تغيبني أحبك أكثر
وأشتقلك وتوحشيني
وزي العادة فيكي أفكر
ومهما غيبتي مبتغيش
وكأنك حاجة ساكنة فيا
ومهما وجعي زاد بسببك
هتفضلي كل اللي ليّا
وهفضل أشوفك حلوة حبيبتني
وهفضل كمان عليكي أغير
وهفضل أحب وجودي معاكي
وأشتاقلك وأسرح فيكي كثير
وهفضل زي العادة بهتم
وأكثر واحد يهّمه الأمر

علشان عارف..
إني لسه في قلبك
وأكثر واحد عندك مُهم
وهفضل أحبك زي الأول
وعارف إنك بتحبيني
ولا هقدر أنساكي ف يوم
ولا حتى انتي هتنسيني
وهفضل أحبك زي العادة
وهنفضل إتتين عُشاق
وهفضل أحبك طول الوقت
ومهما هيحصل بينا فراق
وهفضل أشوفك أجمل واحدة
في الدنيا دي مهما أشوف
يا حبيبتي أنا هفضل أحبك
مهما كانت الظروف

ليه بتهربي

ليه بتهربي مني دايما
 وبتبعدي باستمرار
 ليه كل ما أقول بحبك
 تاخدي الموضوع هزار
 ليه شايفني دايما ضعيف
 وإني أقل من حُبي ليكي
 دأنا أول مرة أعشق حاجة
 كانت يد حبيبي عنيكي
 ليه شايفني بالضعف ده؟!
 ده حبي ليكي لوحدة قوة
 ولو حد حَبِك زيي أنا
 قوليلي يبقى مين هو
 وأنا أثبتلك إنه مُعجب
 بحاجة فيكي مُش أكثر
 ده العشق بيكون للروح
 يد حبيبي مش للمظهر

وأنا اللي عشقت روحك
 وعشقت فيكي كل الصفات
 وعشقت كمان عيوبك
 قبل كل المميزات
 فليه شايفة..
 وجودي في حياتك
 حاجة أصلاً مُستحيلة
 وانتي اللي في وجودها بحس
 إن الحياه دايماً جميلة
 ليه خايفة تقربي؟!
 وبتهربي يـ عنيدة
 ليه بتوجعي قلبي بصمتك
 وبستمرار عني بعيدة
 وليه بتخافي تقولي ليا
 كلمة حبيبي أو بحبك
 عارفه أنا نفسي في إيه
 قلبي يبقى زي قلبك
 ميحنش ولا يتوجع
 يبقى بارد وأبقى زيك
 وكالعادة أول ما أشوفك
 ميينش إني بحبك

وأبقى عادي جداً معاكي
زي مـ انتي عادية
وأبطل أشتاق اليكي
يـ أحلى حاجة في الدنيا دي
بس بضعف كل ليلة
والاقي روعي رايحة ليكي
غصب عني يـ حبيبتي
مش بقدر أبطل تفكير فيكي
وأنا وعدتك إني هبقى عادي
بس عُمري مـ قدرت أنسى
إنك حبيبتي ولو ثواني
والحياه معاكي بتحلى
إعشقينى يـ حبيبتى مرة
وإنسى كل الكبرياء
دأنا وانتى لايقين على بعض
فـ ليه تختاري الفراق

حاجة فوق إرادتي

حُبك ده حاجة فوق إرادتي
 حُبك ده شيء مُش بـ إيدي
 كان لازم أعشق عنيكي أصلا
 وأشتاقلك أول مـ تغيبني
 كان لازم أحس معايي بحاجة
 محستهاش قبلك مع حد
 أنا هفضل أحبك طول عُمري
 حتى لو حُبك ذنب
 حُبك ده شيء مكنش في بالي
 بس أول مـ شوفتك
 دخلتي قلبي
 لا ذنبك إنك حلوة بزيادة
 ولا حتى الذنب ذنبي
 حُبك ده ترتيب الله
 ولُقانا ده أصلا نصيب

مكتوبلي إني أحبك انتي
ومعاكي قلبي يكون سعيد
حُبك ده قوة
حُبك إرادة وعزيمة
حُبك بيداوي جروحي
ويرجع فيّا من تاني
كل حاجة سليمة
وحُضنك يد حبيبتني راحة
ونظرات عنيني
لأي وجع بتداويه
وطول م انتي جنب مني
كل شيء في حياتي بتحليه
ووجودك سعادة
وحُبك عبادة
وجمالك ده شيء
ميختلفش إثنين عليه
حُضنك أمان
وأكثر مكان
بروحه و بشتاق اليه

حُضنك بيديني قوة
وساعات بحس فيه بضعف
وأجمل حاجة جوه حضنك
إنك دايمًا بتحسي بيا
من غير ما أنطق بأي حرف
فمتستغريش
إني بتحول ملاك في حضنك
إلي ملوش أيوصف
ده أجدع واحد بيتحول..
في حُضن حبيته وبيقطفل

أكبر من حجمك

إديتك أكبر من حجمك
ومساحة كبيرة في حياتي
كان لازم أفهم من الأول
كان لازم أعيد حساباتي
كان لازم أفهم من صمتك
وسكوتك لو قولت بحبك
إني عادي بالنسبالك
وإني مدخلتش قلبك
كان لازم أفهم من هروبك
ومن بعادك المُستمر
كان لازم أفهم من طريقتك
يـ حبييتي على الأقل
بس كنت بكذب نفسي
وعايش مع نفسي حكاية
ولما تغيبني أتوجع
وأفرح أوي وانتي معايا
وبرغم كده شوفتيني عادي

وإني مينفعش أحبك
 وإنك أختي و صديقتي
 وإني حد مُهم عندك
 كان لازم أفهم من البداية
 إنك أضعف من إني أحبك
 وإنك بتشوفي الحاجات بعنيكي
 ومبتشوفيش حاجة بقلبك
 وإن عقلك عقل طفلة
 مش بتميز بين الحاجة
 وبـ أي حاجة بتتعلق..
 وعايشة حياتها بسذاجة
 كان أفهم من بدري
 إنك غيري ومُختلفة
 وفيه ناس بتبقى قدامها الحاجة
 ومن غبائها مش شايقة
 وبتحسبها مية مرة
 وتعيد وتزيد حسابتها
 واللي بحسبها بعقله أكثر
 في حاجات كثير بخسرها
 وأديكي خسرتيني للأبد
 وبقيتي وحيدة من غيري
 وخُسارتي ليكي كانت مكسب
 ومش عايزك دلوقتي تحبيني

خليكي بعيدة

خليكي بعيدة عني حبيبتي
 ده البُعد أحسن ليا وليكي
 وأنا هـ أسأل عنك أوقات
 وكل مـ أشتاق لعنيكي
 وانتي كمان إسألني برضوه
 يـ حبيبتني من وقت لوقت
 داللي بينا مكنش عادي
 دإحنا كنا أقرب إثنين لبعض
 وكنتي أكثر واحدة بشتاقلها
 وأكثر واحدة بتوحشني
 وكنت دايما بعشق وجودك
 وكنتي أقرب حاجة لقلبي
 وكنتي كل حاجة في حياتي
 وممكن تكوني حياه كاملة
 وكنتي أول حاجة أعشقها
 ومقولهاش يـ حبيبتني مجاملة

كنتي كل الحاجات بالنسبه ليا
حاجة أصلا مش عادية
حاجة ساكنة جوايا
بس بعیده عن إيديا
وكنتي أكثر واحدة بتنسيني
وأكثر واحدة بتهتمي
وأكثر واحدة بتحضني
وفي نفس الوقت بتقتلني
وأكثر واحدة بتغيب
وأكثر واحدة بعشقها
وبيوجعني جدا وجودها
وبيوجعني أكثر غيابها
خليكي بعيدة انتي إختارتي
البعد أساسا في آخر مرة
وقولتي يومها صعب أكمل
ومعلش دي حياتي وأنا حُرّه
خليكي بعيدة وعيشي حياتك
وسبيني أعيش بطريقتي
أنا وانتي مش لايقين على بعض
ولا ينفع أقولك يـ حبيبتى

أنا الغلطان

أنا الغلطان مُش انتي
انتي ملاك مبيغلطش
أنا اللي بطلت أحبك
وبعدت لدرجة ملهاش وصف
وانتي الحلوة بزيادة
ودايمها حنونة كالعادة
وأنا اللي بطلت أهتم
وانتي بتحبييني حُب عبادة
وأنا اللي ببعده عنك
يوم عن يوم ومش بسأل
أنا المُمَل لدرجة أوفر
وعلى زعلك بقيت بقدر
وانتي يد حبيبتي مثالية
ملكيش وصف ولا فيه زيك
وأنا اللي كُلي غرور
وبطنش كل رسايك

وأنا اللي قررت أبيع
 ونسيت كل شيء بينا
 وقولت بسهولة سلام
 وأتمنى حياتك تكون جنة
 أنا الغلطان مش انتي
 وانتي يـ حبيبتي ضحية
 أنا اللي سبتك في أكثر وقت
 كنتي معايا وقريبة ليا
 صدقي نفسك للأخر
 وإضحكي على نفسك كالعادة
 وعيشي دور المظلومة
 يا أكثر واحدة كدابة
 وأنا هحب بعد منك
 وزيك وبنفس الطريقة
 من قال إني صعب أنساكي
 نسيانك أصلا حاجة بسيطة
 هبطل أمشي في كام شارع
 مشينا فيه أنا وانتي
 هبطل أروح كل مكان
 قولتلك فيه يـ حبيبتي
 هغير حبة في حياتي

وهغير من نفسي وطريقتي
هخسر يجي مية حاجة
عشان في الآخر الاقي نفسي
وهبطل أحب كل الحاجات
اللي حبيتها عشانك انتي
وهرجع أكرها زي الأول
وأعيش حياتي على راحتني
صحيح وجعي زايد دلوقتي
بس يوم عن يوم هيقل
عيشي حياتك بطريقتك
وأنا هبقى أساسا زي الفل

كُنْتِي إِبْتِسَامَةٌ

كُنْتِي إِبْتِسَامَةٌ سَاكِنَةٌ فِيَّ
 بِتَقْدَرِ تَدَاوِي كُلِّ الْوَجَعِ
 كُنْتُ بِحُبِّكَ يَدِ حَبِيبَتِي جَدًّا
 فِي عَالَمِ الْحُبِّ فِيهِ مُصْطَنَعٌ
 فَازَايَ هَحْبُكَ دَلُوقَتِي أَنَا
 وَأَنْتِي مَعَ حَدِّ غَيْرِي
 وَأَنَا مَشَّ مَتَعُودٌ أَبْصَحُ لِحَاجَةٍ
 مَشَّ بِتَاعَتِي عَشَانَ جَدِّعٍ
 وَاللِّي مَضَايِقُنِي إِي لَسَهْ بِحُبِّكَ
 وَإِي لَسَهْ سَاعَاتِ بِشْتَاقٍ
 إِي أَسْمَعُ صَوْتِكَ أَوْ أَشُوفُكَ
 وَكَأَنَّا لَسَهْ إِي تَنِينِ عُشَاقٍ
 قَوْلِيلِي إَزَايَ عَايِشَةٌ فِي بُعْدِي
 مَعْقُولٌ مَشَّ حَاسَةٌ بِالْأَنْدَمِ
 إِي نَكْ إِي خَاتَرَتِي الْفِرَاقِ

وإني أكثر حد إتظلم
وإني إتوجعت بسببك
بدل المرة الف مرة
وكأنك كنتي في حياتي سُكر
وبعدك بقت حياتي مُره
وخسرتيني بكبريائك
وبغبائك خسرتي نفسك
والغريبة إني برغم وجعي
لسه برضوه وهفضل أحبك

هحبك من تاني

عايز أمل من وجودك
 عايز بجد منك أزهدق
 عايز أكرهك يـ حبيبتي
 عايز أبطل إني أعشق
 عايز أرجع لدنيتي تاتي
 عايز أبقى لنفسني عايش
 عايز أبطل قلقي عليكي
 عايز أبطل أبقى خايف
 عايز محتجش لوجودك
 ولا إنك تبقي معايا
 ولا توحشيني ولا أشتاقلك
 تعبت يـ حبيبتني كفاية
 عايز أبطل غيرتي عليكي
 عايز أبطل أعشق عنكي
 عايز أنسى كل حاجة

بتفكرني يـ حببتي بيكي
عايز أشوفك أبقى عادي
ومفرحش ولا يدق قلبي
ولا أهتم بغيابك..
وأستنى الوقت يعدي
عايز أقابلك من جديد
وأتعامل معاكي عادي
مع إني عارف ومتأكد
إني هحبك من تاني

يوم فرقنا

يوم فرقنا كنني أجمل
 يـ حبييتي من أي وقت
 كنتي أحلى من كل ليلة
 كنتي أحلى من أي حد
 يوم فرقنا كنتي حلوة
 حلوة خالص وبغباء
 يوم فرقنا كُنت بفارقك
 وأنا هموت من الاشتياق
 ومكنتش عايز أفارقك
 والا حتى أقول سلام
 بس لاقيتك فجأة بعتي
 فهرب مني كل الكلام
 كنت عايز حتى أحضنك
 للمرة الأخيرة حبييتي
 بس لاقيتك عني بعيدة
 وكأنا أغراب أنا وانتني

وبرغم إننا إثنين عُشاق
كُنَّا يومها مُختلفين
وكنا بنشوف مين فينا الأقوى
ومين هيقدر يجرح مين
يوم فراقنا..
كنت هموت من الوجد
بس عامل إني عادي
وزي ما انتي بسهولة بعتي
كنت بالفراق راضي